


0 10 20 30 40 50 60 70 80 90 100 110 120 130 140 150 160 170 180

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32

Kodak Color Control Patches



增修甘泉縣志卷二十一

甘泉縣知縣吳鄂峙

張宏運

陳觀國

揚州府教授李保泰續輯

徐成敷 桂正華

增訂

藝文志下

詩

明劉基四月十二日發揚州幾見明月滿猶嗟行路難
時平耻無用身賤敢偷安天地山河濶風沙道路寒旅
人元有淚不必雍門彈

覆瓿集

汪廣洋與欒鳳同使廣陵馬上偶占二首同為故鄉人

同入故鄉里雖無故鄉親還飲故鄉水城郭烟火餘
筭鼓連雲起聊以一杯酒醉向松樹裏昔爲歌舞地今
爲爭戰場與君騎瘦馬聯轡踏斜陽荒草侵路合苦蒿
生過牆遙憐鮑明遠詞賦最淒涼風吟池稿

顧亮廣陵夜泊風風雨雨暗江津愁裏清燈照一身夜
半忽聞江上櫓往來還有未歸人列朝詩

陶安廣陵楊節婦詩堂上舅姑嗟老苦膝下兒啼未能
語孤鸞何心鏡中舞綠鬢年才二十五甘旨供餘勤鞠
撫舅姑歡顏兒飽乳誓有一心無二主本欲同歸九原
土手拋粉黛獨紉組燈照空幃泊如雨婺居守義能自

許觸目艱難不憂沮夫天寥濶幾寒暑兒有文章輝
黼竹西綺羅眩傍午翠箔珠簾鬪嬌舞五方雜俗日殊
古貞烈無聞世何補斯人秉德天付與乃以三從鑄肺
腑春官旌名真盛舉共看光彩生門戶丈夫明理蹈規
矩鬚眉蒼蒼本翹楚爲臣不幸遭險阻忠國立身當審
處爵祿才猷輕一羽大節或虧何足取嗚呼大節或虧
何足取不及閨中賢婦女陶學士集

前人五月一日與黃仲珍雷景陽酌於維揚抵暮出城
晚至瓜洲有懷同貢金景蘭姚仲誠周于一林元凱相
約不至更次韻爲別以寄拳拳之餘意蕩舟竹西聞好

歌飄如仙槎泛銀河清樓旁市捲珠箔舞裾綠皺如春
波香消紅藥彩鸞去其如青鏡寂寞何金盤露清筍芽
白小住半日非蹉跎雪乳泉甘醒午醉瓊花霧散與客
過吹簫玉人杳然逝橋亭拂柳空峩峩櫓聲代晚出城
去初月光吐新鎌磨梅天雨歇黃潦漲瓜洲渡近青山
多我懷初歸有髦士金姚學富精蒐羅閩南周林師友
盛未見入室操吾戈賦妙能追司馬聖策高反黜劉蕡
科荆門有約久未至回望不見玲瓏珂黃君雷君吟嘯
共蕭然行李餘無宅客途分襟心誓苦詞場秉筆肩還
摩江流如黛送孤棹離觴不辭顏易酡佳哉璞玉當見

遇肯使抱恨同卞和

王禕揚州春滿揚州廿四橋何人騎鶴聽吹簫瓊花芍
藥猶閒事且訪平山舊柳條

華以集

張以奩題廣陵姚節婦卷黃鵠不重適哀鳴常自憐披
心當白日留面覲黃泉寂寂誰能爾滔滔獨汝賢廣陵

姚氏傳史館幾時編

翠屏集

前人分題蕪城烟雨送吳原哲教諭蕪城路年去年來
自烟雨冉冉春濃濕燕絲濛濛曉暗迷鶯樹鮑昭愁絕
未歸來爲畫當時斷腸賦登高悵望正思居帆影微茫

又東去

同上

錢宰送朱叔英還維揚策策西風木葉稀故鄉何處雁
南飛岷嶓萬里秋江落淮海維揚獨客歸鐵甕帶潮催
曉渡金盤壓酒浣征衣高樓明月如相憶一髮秦嵇瑣

翠微

臨安詩集

高啟廣陵孫孝子愛日堂昔自中原兵甲動志士憂時
心久痛千村殺戮雞犬無骨肉誰家保相共揚州受禍
聞最深徒恃堅城鐵爲甕城中義丁一百萬畱爲溝溪
不成用至今草長鬪饑臺月黑精靈尙哀慟君時負親
獨竄匿何異網魚逢脫縱遠道秋風舊橐空長江暮雨
孤帆重揭來君鄉今十年孝友爭傳似張仲雖嗟故里

未能歸却喜新堂還可奉盡歡唯啜小人羹致養盍頌
大官俸只愁老景苦駸駸羲馭西馳疾飛鞚晝看花影
願遲移晚聽角聲驚早弄長繩未解繫飛鳥每計餘年
憂且恐嗟余少已失庭闈宰木亂來無地種欲娛朝夕
難再得誰惜流光去如夢自慚不及君慶多灑泪蓼莪
空廢誦寸心猶願時早平重爲河清作歌頌萬國同看
化日長生能養親死能送

大全集

管時敏送程彥明歸揚州分韻得愁字離人江上發歸
思滿芳洲客路烟中樹春帆雨外舟青山千里別白首
十年遊應有瑤花咏還將慰遠愁

明齋集

增修古身縣志 卷二十一
楊基送句容劉少府回揚州家具一車輕囊書與短檠
吏多難別意人有去官情帆影江沉寺簫聲月到城竹
西尋舊業烟雨綠蕪生 眉菴集

張羽揚州道中馬頭津口足風波歲宴遙乘一傳過南
渡客來多漢語下江船去半吳歌蕪城總入新編戶瓜
步斜連古漕河何處吹簫明月夜野田茅屋曉烟多 靜
集

徐賁揚州僧舍見花有感風遞濃香到水涯幾株桃李
映門斜候家園圃多荒廢不是僧房不見花 北郭集
前人揚州竹西亭下路迢迢騎鶴仙人不可招秋草秋

烟滿城郭月明何處夢吹簫

孫蕡過揚州二首江上垂楊覆白蘋斜陽啼鳥斷吟魂

朱樓翠箔今何在一帶寒城瑣暮雲 垂楊白白折殘

枝春盡瓊花作雪飛少日狂吟今是夢竹西歌吹舊臺

池 西菴集

葉谷亮邗溝懷古丞相三軍出曾聞此散亡黃蘆今夜
月白骨舊時霜世已尊王室人猶說戰場維舟重感慨
涕泪在衣裳 明詩綜

王恭廣陵懷古海門潮落見瓜洲雲樹蒼茫馬上遊千
里河山歸禹貢百重烟水入淮流蕪城積夢瓊花月隋

苑傷心碧草秋二十四橋人靜後爲誰還倚木蘭舟階
集

劉炳江都行蕪城繁華天下美處處離宮鬪紅紫綵女
龍舟錦作帆內宮鳳苑花裁綺芍藥珠簾十二重楊柳
御堤三百里路車巡幸翠華留夷夏梯航覲冕旆縣邑
貢真三祝獻諸侯稱壽萬年酬盤滌酒色窮侈肆晏安
鳩毒亡邦祀西苑歌鐘午夜遊東遼輜重三軍死寶成
殿上奏鸞棲晉陽城外飛龍起故國傷心非昔時五雲
宮闕草淒淒東風寂寞雷塘路月暗秋陰鬼火啼春雨軒集
史遷揚州廢城錦繡樓臺十萬家重來此地謾咨嗟毀

垣夜雨生秋草荒戍西風咽暝笳翠袖不聞歌玉樹錦
帆無慮問瓊花平山堂上垂楊柳瘦倚青烟日又斜青金集

袁華廣陵雜興二首十年不到廣陵城依舊瓊芳弄晚
晴綉被土甃于闐寺寶裝刀劍鎮南營樓飄簫鼓雲中
響地接烟花日外明小杜風流今寂寞誰攜紅袖按新
聲 長江天險隔南徐千古英雄恨有餘玉樹歌殘龍
虎地錦帆船下斗牛墟柳迷竹浦寒鴉聚水漫雷塘野
老漁欲弔文章賢太守山堂零落昔年書可傳集

史謹過揚州長空開霽晚霞明蓬底淮山隔岸青鴉散

黑雲爲陣勢風飄紅雨作秋聲蕃釐玉樹應無種東閣
官梅尙有名惆悵牧之招不得與誰同醉竹西亭獨醒集

程本立揚州揚州城下是官河春雨春風自綠波欲問

繁華舊時事太平遺老已無多

異隱詩集

向壽宿江都懷古煬帝東巡建此都金門玉殿接天衢
樓船春轉紅裙艣騎士秋爲寡鵠圖兵散高句無返日
花捐空閣有遺珠孤篷夜憶千年事夢覺寒鴉散井梧

向氏青箱集

袁凱揚州逢李十二衍二首與子相逢俱少年東吳城
郭酒如川如今白髮知多少風雨揚州共被眠 最憶

東家水調聲花前檀板雜流鶯此時我醉君猶醒舞到

梧桐白露生

在野集

前人適揚州淮海表茲郡東南誠要津近代六雄藩親
王蒞斯民荆吳自茲入燕趙亦來臻舟車無停運葦貨
若邱墳冠蓋充鄜里歌吹咽城闔美酒旣如澗梁內夾
道陳休養近百年富庶難具論大道無恒處榮悴每相
因風烟一披拂奄忽同埃塵空屋嘯蹲鴟崩垣走驚麇
萑蒲交四野齒豁儼若新貴賤不復知賢愚安能分子
有山陽恨經過屬秋辰憑高肆遐覽落日無行人欲繼
蕪城作薄劣愧參軍

同上

增修古身集 卷三十一
楊士奇晚過揚州朝辭儀真壩暮過廣陵城前汀交暮
色遠渡聞鐘聲微微初月輝湛湛天宇澄仰首望北辰
眾星燦然明商飈從西來忽忽涼思生掩蓬坐終夕嘅
然念修程 東里集

胡儼過揚州舊說揚州天下聞繁華如夢欲銷魂可憐
杜牧多情思曾向樽前問紫雲 願菴文集

曾榮維揚懷古和胡祭酒韻廣陵城裏昔繁華煬帝行
宮接太霞玉樹歌殘猶有曲錦帆歸去已無家樓臺處
處惟荒草風雨年年自落花古往今來多少恨只將哀
怨付啼鴉 巢睫集

金寶過揚州春風三月廣陵堤萬樹垂楊水面齊錦纜
不歸歌舞散乳鴉空向夕陽啼 覺非齋集

聶大年過揚錦帆三月下江都試問瓊花尙有無煬帝
行宮秋寂寞廣陵烟樹晚糲糊春風紫陌尋芳地落日
青帘賣酒壚二十四橋今夜月清光偏照客心孤 自皇明風雅
邱濬辛未歲過揚州懷古秋風歸棹倚蕪城一片閑情
對月明錦纜起鷗傷往事青錢跨鶴笑狂生吳公塘路
已陳跡后土祠花空有名欲訪平山舊闌檻有無山色

暮雲橫

瓊臺會稿

劉溥晚過揚州長河懸落照短棹尙孤征衰柳愁邊斷

殘霞雨外明人喧揚子渡鐘動廣陵城漸去鄉關遠淒然倍旅情

草臆集

劉鉉揚州瓊花人去久凋零殘柳逢春只自青落日江頭見漁火却疑宮裏舊飛螢

劉文恭公集

鍾政揚州樹繞人家水繞城何郎去後若為情不知東閣梅花處二十四橋空月明

明詩綜

史傑蕪城別唐宗古洋子江頭漲綠波分攜無那故人何明朝相憶重回首莫厭江雲嶺樹多

禮部集

李東陽聞揚州潮漲五月金陵江水平揚州郭裏見潮生殊方消息逢人地遠客悲歡此夜情郎遣帆檣無阻

滯莫教魚鱉太縱橫漕舟百萬東南計早晚元戎達上

京

懷林鹿堂集

吳與弼邗城丹陽古渡接瓜洲萬頃黃雲麥正秋一榻午風清夢覺又題新句過揚州

康齋先生文集

馮蘭鶯食蝗一章

揚州屬縣蝗在地為鷓鴣所食飛者以翼擊死詔禁捕鷓鴣

禿鶯禿

鶯胡不食魚胡不食蟻念我民窮擊蝗死死蝗食盡苗復蘇慎勿捕爾長爾雛

雪湖集

吳寬曉發揚州遇雨雞鳴揚子灣人發廣陵驛草深路不分湖長舟難逆故國去非遙懷歸心日劇濃陰忽復求前村又投跡

匏翁家藏集

王整送馮原孝知揚州東南佳麗隔江分我昔登臨倚
牛醺瓜步帆樯天末見竹西鼓吹月中聞高名自昔推
揚一健足他年失冀羣父老要知新太守聰明慈愛漢

馮君

王文恪公集

夏鏃廣陵九曲池亭龍氣消誰家水調共蘭橈眼前亡
國無多恨江水東邊是六朝

赤城集

石珪江都曲金篴吹笙絳跨謳君王自理臥箏篴夜深

未煥慙慙寢一曲歸飛萬里愁

熊峯先生詩集

王越寄維揚故人故人不見思簫條萬里維揚去路遙
別後玉簫清似水數聲吹斷綠楊橋

王襄敏公集

沈周廣陵市鶴問說揚州好風光記昔年瓊花已天上

買鶴解腰錢

沈詩補遺

顧清揚州水關作三過揚州十五年中閉月日似流泉

平山花竹隋宮柳又落東風一夢邊

東江集

謝鐸送董德和之官江都晚冬風日雪初收匹馬衝寒
亦壯遊唾手功名今甲第少年冠蓋已邦侯揚州地濶
休騎鶴渤海春深台買牛雞割莫言真小試半生心跡

此相酬

桃溪淨稿

張伯奇送襄陽鄭伯興節推揚州

時孫公祿為揚州守

揚州太守

天下稱節推更得人中英撫循百姓共今日何似腰纏

騎鶴行送君南行復南眺大江咫尺環蕪城濟川舟楫
滿眼在江中風浪何時平四友亭集

嚴嵩揚州別舍弟作伴來吳越那堪此地分還同廣陵
月獨向楚山雲客路頻加飯文場早策勳要寬千里念

時遣尺書聞鈔山堂集

何景明送江子雲冬官病還揚州臥病長安不出門話
歸南國暫留尊春來日日風塵色海牛冥冥天地昏坐

傍桃花停岸舸行隨楊柳到江村楚山亦有蘼蕪草遊

子空傷萬里魂大復山人集

徐積卿文章烟月風霜獨臥閒中病時節偏催壑口蛇

籬下落英秋半掬燈前新夢鬢雙華文章江左家家玉
烟月揚州處處花會待此心消滅盡好特齋鉢禮毗耶

徐迪
功集

邊貢吹韻何子元彩住揚州巷第宅三年已四遷買鄰
銷盡賣文錢極知萍梗皆身外且逐東風過眼前伏枕
夜通騎鶴夢散衙秋斷看山緣相從欲問城東社聞說

曹郎本是仙華泉集

王廷相廣陵行野客回橈噴霜雪廣陵烟水春迷茫海
門湖上如砮石揚子逆捲飛濤長古來形勝眼前在人
事紛靡日華改二十四橋赤闌新祇今明月長相待荒

唐之帝千餘秋不忍言之赤子愁離宮別院七十二此
生欲遍人閒遊翠花宮中欲啼烏天子詔幸維揚都九
門車馬如風雨宰相已進南巡圖諫官叩陛侍者塵玉
姬被逐小臣危嵩靈河伯駭已送洪波不流風倒吹山
雞翡翠空如錦誰能留住鳳凰兒彩旆初臨汴河潞飛
心已入金山浦龍舟不載羽林軍錦纜成行紫宮女宮
女明粧皎白雪却愛瓊花光艷絕不道蛾眉能誤人反
使君王棄宮闕蕭牆禍變豈虛作斗外天宮夜蝕月千
年寶井生琉璃猶有精靈自嗚咽楚關吳口山水明紫
霄終日浮雲生市朝變盡蒼波綠不斷扁舟戴客行客

行繚繞隋皇堤堤上春風楊柳齊傷心欲弔前朝事楊

葉楊花路轉迷

王氏家藏集

前人蕪城歌二首煬帝看花太放顛錦帆龍舸馬千千
情多化作相思鳥夜夜蕪城聞杜鵑莫向隨宮問六
朝璫珥玉藥已烟消祗今惟有湖邊柳猶對春風學舞

腰

同上

唐龍廣陵贈楊戶曹戊子之秋江上行君乘短舫來將
迎風檣如馬不可停蒼烟白水空有情五月菖蒲匝江
綠仍到江頭采民俗雲津倏停使者車細雨長談照明
燭周道透遲肅來齊胸中煥爛羅珠璣昔日此地不相

見今日却恨相見遲相見何遲別何亟江籬河柳映秋色十里艚艘一呼吸漁石集

賀欽傅彥明昆仲久客維揚詩以寄之山人寄與三公子便買歸舟莫更留南國可知春似錦高堂無奈雪盈頭黃金滿載皆由命白手還家豈足羞兄弟師生分非淺詩成四韻泪交流醫問集

羅欽順過揚州兩兩三三聽事人陶然都是醉鄉民黃昏點鼓移舟去揚子灣頭月似銀整巷存稿

呂夔寄李柱史賑恤拭泪看揚土民窮數在天若非移晉粟何以勝湯年鬻子能論價當春不種田路人聞偶

語還得繡衣憐

草亭餘興集

王淪晚過揚州不到蕪城二十年重來佳麗尚依然連

城霽色明珠翠萬戶香風奏管絃騎鶴仙真何日去乘

槎客子此時還瓊花宮裏多情景更聽吹簫皎月前退翁

集文

張自強送張貳府之揚州羨爾維揚駕乘春出鳳城和

風嘶去馬細雨濕行旌水國新經寇蒸黎苦厭兵須君

佐郡牧切莫滯王程

馬文莊公集

張洪道送韓才漫下第之揚州不遂金門詔仍持寶劍遊風塵隨馬足秋色上貂裘落日瓊花觀春江仕女樓

興來如泛舸莫近採蓮舟

張太微詩集

續志考正關中張治道字太微治誤洪微誤徵

崔桐別火文津授職隱廣陵羨君暫作天門客便憶鱸
魚斂雲翻亂落楊花兔麥清歸鞭東指淮山碧醉別燕
酤解綺裘桑乾烟樹入空浮此去吹簫橋上月清光還
待玉人遊

東洲集

夏言廣陵寄李御史震卿泗水乘總馬維揚泛鷁舟相
望烟水隔獨坐暮天愁豺虎聞皆遁瘡痍喜病瘳思君
多壯氣雲鷲正橫秋

桂州文集

胡侍送二復判揚州君方罷黃綬余已臥青門復跨揚

州鶴誰同北海尊天星隨曉旆野燒上寒原倘得公出

秣雲林莫負心

家器集

王惟元過揚州華屋朱簾十萬家春風吹盡舊繁華留
連野色惟殘蝶應荅江聲有亂蛙明月樓前沽美酒蕃
釐觀裏看瓊花我來謾憶曾遊處立盡斜陽一歎嗟

雅風

馬汝驥送李侍御按淮楊淮海維揚拱帝京繡衣瑤佩
動乘明花開曉殿朱輪出樹繞春江錦纜迎風起樓臺
歌猛士霜飄斧鉞羨儒生漢家司隸今元禮帳望龍門
避馬行

西元集

增修古身集卷二十一
張治揚州與陳巽峯侍御宴集時尹民部督運真州龍
秋曹理刑淮上皆同鄉也遂喜賦此太邱德重賢聲籍
劉晏才高國賦饒海上霜寒繡斧立花邊春暖玉驄驕
十年岐路同杯酒千重鄉心共暮潮民部秋曹俱舊好
過逢更喜路非遙

龍湖集

文徵明揚州竹西簫管玉參差柳外樓臺舞陸離落日
蕪城非故國春風后土有荒祠錦帆烟月千年夢禪榻
情懷雨鬢絲二十四橋何處是扁舟西去不勝思

甫田集

高叔思揚州問主人空林一葉落穿屋幾家秋對酒涼
風至開簾古木幽相看還自笑欲去爲誰留正此夷門

下休猜姓是侯

梁園風雅

金鑿廣陵留別吳虹山北風江上雪晴時遠道逢君醉
不辭臨別更畱三夜話相知已是十年期斷雲落雁聲
猶切斜月疎牕影漸移欠客不須傷歲暮五湖歸思滿

天涯

徒倚軒稿

張時徹廣陵晚發征夫逐草露夜夜月中眠霧擁元猿
嘯風吹白鴈旋有江能繪樹無路不生烟旭日秋光淡
芙蓉亦可憐

芝園集

袁表廣陵對菊簡朱侍御子禮官衙無一事買菊種幽
軒畱滯非吾意相看豈故園金英團露滿碧葉受風翻

增補古今集卷二十一
獨酌懷仙侶無由與晤言

袁永芝集

王慎中藏書萬卷樓歌爲維揚葛子東風廣陵葛子真
磊落大笑時人寶珠玉先世遺金盡買書箒籟祇與韋
編博善藏選地起高樓樓上陳施盈萬軸錯置方隅皆
滿牀臚分甲乙爲題櫝趙卿如見應驚歎楚史多知猶
未讀開牖晴朝雲色鮮垂帷深夜藜光獨已看收拾遍
人間更說討論窮士族漢室古文壞壁餘晉代穿瑩出
竹書學士睢盱嗟未覩儒生誦守愧空虛何言敢失千
年後獨在君家完古初

遵巖文集

蔡汝楠維揚觀李克齋中丞軍營運策元知萬里才五

營堅壘護崇臺海西鏡吹寒潮應江北旌旗曠野開雪
裡乘熊裘相至風中唳鶴謝公來須看淮甸封京觀計
日還朝陟上臺

自知堂集

孫陞送李狀元還廣陵省親詔許娛親願不違南征冠
蓋帶恩輝漢庭元重孫宏策淮甸今看萊子衣春岸迎
船青筍出江鄉入饌白魚肥莫以貪權淹故里待君簪
簪筆侍皇闈

孫文恪公集

續志考正李狀元卽春芳與化人不當入甘志

沈鍊送鄭明府之維揚東風初泛木蘭舟南去維揚復
勝遊弱柳千條垂岸出飛泉百道傍河流開樽幸接黃

增修詩集卷二十一
金客鼓棹還經白鷺洲斗酒相逢成一醉烟波莫遣使
君愁

青霞公集

李時行寄廣陵高子通徐伯可詩憶昔逢君客帝京留
連郎署十年情看花卉醉長千里走馬同過白下城春
入吳宮芳草色月明蕭寺暮鐘聲別來迢遞天南北一
望江湖感慨生

山帶閣集

袁鈞揚州雜詩四首竹西楊柳酒帘斜門對青山第一
家醉後王孫歸去晚金鞭欲墮玉獅鬪 百尺荒臺是
故宮胭脂香粉落殘紅只今惟有梵鐘在夜夜空隨楊
柳風 一從行幸到天涯不見羊車只見花羅襪塵隨

香夢遠春風吹上玉鈎斜 烽火連雲故國秋念年前

事說揚州朱門畫閣消何處勝地還餘文選樓

竹江詩

周詩晚泊維揚落日停孤棹維揚入望餘阜原浮海盡

樓堞抱江斜雲漢空仙翼瑤壇感舊花江山長映帶南

北並京華

虛巖山人集

朱日藩隋堤柳興道里前楊柳新蕭娘攀望獨傷神憐
儂正好留儂住若箇殢他遭箇春紅頰忽拋妝罷泪翠
娥常帶睡餘顰撲舟風起花如雪三月揚州夢裏春

山帶

閣集

申時行贈維揚呂布衣小山曾倚桂叢幽吐納頻年事

增修古身集卷二十一
靜修柱下獨傳三寶訣淮南真共八公遊煉成丹鼎堪
誰授遺却元珠好自求鏡裏衰顏如可駐願從鶴駕到

揚州

賜開堂集

袁尊巨送歐楨伯之廣陵共作京華客還爲江表行同
聲憐白雪別意感青萍絃誦平生業水霜歲杪程中朝
誰愛士去矣惜匡衡

袁魯望集

郭諫臣自江都晚抵儀真孤槎薄暮向江城千里江流
一鏡平沙岸樹搖寒月影篷牕翻風送夜潮聲坐雲葉
移時久閒剪燈花達曙明三載離鄉今漸邇漫勞終日

計歸程

鯽漁詩集

皇甫洵過維揚作念昔功名紀三秋滯楚鄉今來還上
國五月復維揚戀土情何極瞻途意轉長川原歷迢遞
烟樹影微茫浴渚飛鳧下鷺沙白鷺翔江隅有芳草幽
思獨難忘

少系集

皇甫汭泊維揚地是南來越江分北望賒空餘千代宇
不放昔年花物色圖丹壁春風想翠華誰憐歌舞處日
暮有啼鴉

司勳集

李攀龍送歐文學之江都雨雪寒燈對濁醪蕭然却稱
一儒曹下帷國士堪華髮草檄門生自彩毫雙峽迥分
滄海氣孤城秋社廣陵濤文星雖小人爭識南斗常臨

劍影高

滄溟集

宗臣寄顧純一揚州自君去矣湖之濱日夜湖南生白
蘋江雨千家任伏枕潭雲百尺堪垂綸書傳孤雁正明
月病起空山愁暮春桃花流水可避世武林樵者今何
人

宗子相集

徐中行寄荅廣陵歐文學楨伯蕪城客夢滿江臯千里
懷人尺素勞篋裏夜光南海月賦中秋色廣陵濤談天
能復如燕市玩世何妨似馬曹念爾最憐中散調知音
寥落好誰操

天日先生集

吳國倫次維揚懷宗子相相將二載別何事一書無臥

病山雲僻懷人海月孤世情多按劍斯道有乘桴兵火
懸雙泪烟霞信五湖轉憂風雅息因感歲華徂咫尺心
期阻何言在畏途

觴輒洞稿

汪道昆秋晚登廣陵城西風淮水下邗溝何處關山獨
倚樓賦後蕪城荒井徑書來瓜渚斷江流青天寒色干
砧夕滄海潮聲萬弩秋滿目蒼蒼見平楚不知歌吹在
揚州

太函集

胡應麟舟過廣陵訪陸無從夜集託以買宅橋東因寄
贈此作橋上相攜不厭頻鈿車油壁半香塵貧將玉樹
誇詞客老向瓊花作主人邗浦月華秋似練曲江濤色

夜如銀青樓肯著狂夫臥傳與吹簫爲卜鄰

少室山房集

王世懋過揚州訪歐楨伯博士聞道談經盛有聲青氈
猶臥廣陵城黃金不近儒林事白髮偏關國士情好把
江濤扶病色休將郢雪傍時名故人問字能相訪還飽
君家苜蓿羹

王奉常集

張元凱揚州春眺卽事茱萸村邊楊子灣黃公壚頭使
者闕舟楫遠通淮白水樓臺近見江南山高岡百尺臨
官渡浮烟不盡斜陽暮前朝楊柳幾株存寒鴉飛盡蕪
城路

伐檀詩集

趙用賢送徐文學之江都徐善方藥蕪城寒雨爭江烟

別爾懷人楚水邊捲幔清秋徐稚榻下帷長日廣文壇
瓊枝天外勞相憶瑤草山中信可傳白首莫言經術困
蒲輪應遣受遺篇

松石齋集

陸采寄揚州盧文溥江草碧於染江花清可憐何時一
樽酒同泛木蘭船抱玉嗟余病眠雲羨汝賢塵遊聊爾
爾終結采芝緣

陸子元集

張遜業舟中別朱子份故人相見鬢成秋遷客重來感
舊遊千里多情勞遠送一樽到處共消愁垂楊古驛時
停署明月長河夜遡流惆悵不看言別後莫忘魚雁寄
揚州

張甌江集

尹襄送進士劉體道節推揚州廣陵白昔繁華地凋敝
于今可盡言正藉清才勤政理滿將膏澤洗煩冤瓊花
歲久空餘俗棠樹春深總厚恩識此孫陽吾豈敢風雲
萬里看騰騫

巽峯集

魯鐸揚州張帆上揚州行色殊不惡何不如昔人腰纏

更騎鶴

蓮北集

徐渭廣陵夜金燈颯颯夜潮寒樓觀春陰海氣殘莫露

鄉心與離思美人容易曲中彈

徐文長集

王寅金陵送元蠡遊揚州正好秦淮醉玉缸淮南山色

隔春江知君更有吹簫與月下銀橋十二雙

十嶽山人集

牟嘉叙送馬斗南歸揚州去年九月黃花秋邂逅與子
城南遊高才磊落不易得竟日尊酒情淹流三年爲客
風塵裏末路相逢卽知已禹穴探幽興未窮梁園作賦
詞堪擬一別嗟余還故坵聞君亦欲尋歸舟萍蓬踪跡
本無定使我感慨增離憂一片孤帆向何處日落雲橫
廣陵樹天姥峰前送月明姑蘇臺畔聽鴻度江烟慘淡
江草青眾賓沽酒雙玉瓶別君惆悵不忍去碧雲回首

天冥冥

霞溪漫稿

王叔承揚州歌二首二十四橋邊當壚最可憐妝成窺
客坐不耐數青錢東家女十三西家女十五夜半寒

娘啼嫁與并州估

吳越遊草

唐世靖寄友廣陵迢遞遊淮海薰風入夏初人逢清晝
夢情寄遠方書三徑都荒草孤松僅做廬生來言笑拙
何處曳長裾

三邱山人什一章

黃姬水送汪太學遊江都千里王孫歸未能風雲意氣
每超騰年來裘馬遊遨處不是金陵卽廣陵

白下集

王穉登臥病過江都歐博士見貽太山記因贈扁舟臥
病廣陵城折簡深煩地主迎應劭記言封禪事馬遷書
叙遠遊情齋題昔宿詩空寄酒壓桺榔醉不成珍重投
書賢博士天涯能念舊王生

牛偶卷集

李應徵廣陵送張孟奇乾坤同作客千里任飄蓬况復
離亭別蕭條落照中濤聲揚子北寒色海門東去去烟
波外無爲歎路窮

青蓮館集

董穀江都聞昔揚州佳麗地春風二十四橋行才高董
策難爲用譜絕嵇琴空好聲錦纜已非前日事官梅尙
見故人情停橈欲弔當年跡惟有寒潮江上生

碧岩里後集鳴存

何碧廣陵送王太古還自下我有秦淮夢雖還不是家
送君隋苑上惆悵柳條斜歸客趁新燕遊人歎落花傷
春兼惜別况復在天涯

列朝詩

孫繼高送王自吾轉運兩淮早晚下揚州公除不可留

到官心似水爲客鬢先秋
煮海功何鉅看山興易酬
軍儲待鹽筴辛苦爲分憂

孫宗伯集

陸可教維揚懷古片帆秋色雨霏霏
千古蕪城泪欲揮
錦纜芽檣他日夢瓊花玉樹昔人非
江山楚甸依然在
環珮隋宮何處歸
二十四橋明月老
紫簫聲絕碧雲飛

陸學士遺稿

于慎行答楊戶部廬山書時方謫居廣陵淮南桂樹又
春殘幾度開書慘不歡華髮已曾淹
畫省銅章那復滯
鹽官秋空雁影愁應劇
夜雨潮聲夢亦寒
聖主長楊方
校獵誰將賦草入長安

穀城山館詩集

王士性廣陵曲維揚大業多陳跡
木蘭亭上燈花夕
六官齊唱柳枝詞
天子緣思廣陵陌
廣陵鉅麗足芳年
解道征遼亦偶然
夾堤楊柳三千曲
近水樓臺十萬廬
迴廊複道雲間度
錦稅金鋪月下懸
瑣窻射日聯珠箔
寶幄嵬迎風落翠鈿
千門萬戶春光滿
白日誤入迷神仙
嵩塢花香迎鳳輦
靄峒黛色照水筵
御女樓前車思巧
司花掌上舞衣翩
魂夢到來渾作祟
嬌娥不枕詎成眠
寵梁可奈蕭娘妬
望斷迷樓桂上篇
無復見君徒自盡
不留儂住也須還
憶在東京西院裏
院院笙歌沸人耳
月明闐闐開宮門
夜靜蓬萊浮海水
搗來畫舫鬪嬋娟
選

莫春風醉桃李無端一曲望江南龍舟更向維揚市朱
旗羽葆雜如雲錦纜牙橋疾於駛宮中血染去時輪道
傍鬼哭誰家子矮民頸刃一朝寒司馬伏兵中夜起惡
梅好本豈忘情滄海桑田故應爾水殿樓船事已非黃
昏古道客行稀誰堪再說迷樓事一望荒臺泪滿衣

王觀集

羅亨信送友遊廣陵八月兼葭白秋高海色明聞君大
庾去復作廣陵行桃葉江天渡梅花水國情相思託南
雁時寄越王城

覺非集

李名芳揚州古意揚州士女總豪華結伴探春勝若耶

却恨珠簾掩紅面不將纖指摘瓊花

李翰村遺稿

余寅維揚送彭郡博之官平生拜謁都不有今日殷勤
送彭叟茱萸灣上水正紅相傳脂水棄隋宮隋家樓殿
轟雲起不道當時飛藿似大夫意氣論鼎鐘偶然暈移
何當榮東京博士盡倚席錚錚誰者今時力臨岐之意
不在酒豈是空然執君手

農文入集

張萱邗溝懷古不盡邗溝水微茫日夜流潮連揚子渡
烟接海門秋樹影浮荒堞蟬聲到客舟興亡無恨意洛
水共悠悠

西園全集

葉向高廣陵別友浮生底事最堪愁畏路馳驅易白頭

兩度相逢重九日一經離別又三秋菊當有酒花偏媚
身到無官夢亦休後會登高何處是年年回首憶邗溝

蒼蒼霞
集

周應賓送客之揚州幕客路冰霜馬足高風塵作吏莫
言勞廣陵自古繁華地三月楊花八月濤月湖草

湯顯祖廣陵有贈儂住曲江臺臺門一點開娥媚今夜
淺斜月剪江來玉茗堂集

林恆震送商孟和之維揚言別固不忍况當搖落時都
門今送子知己復爲誰木脫山容瘦風慳帆影遲江都
歸雁近一寄廣陵詩西都草

于承祖送史澹如還邗江陌上踈楊自可攀驪歌忽動
泪痕班征帆遠渡三江水擊楫遙看北固山君去故園
開口笑予當逆旅駐愁顏欲知別後相思處廿四橋邊
月一灣韻音集

何偉然廣陵採詩採石者璧採水者珠天不愛寶地傾
其儲吐珠屑玉不綴尺幅矧曰奧藏匪淵匪谷何以採
之搜神攬奇譬採赤精拭土陸離萬寶斯會紫琛反貝
亦祇維揚朝宗以派魄朗橋月魂清嶺梅邗濤仙藥盡

結詩胎言采其珍珍於山澤誰謂雅亡廣陵散絕利木雲
館集

范景文過維揚遊子關情處江空白露秋客程初問水

旅思怯登樓非是瞻雲切還應見月愁鄉關歸夢裏一

夜下揚州

水餐堂草

劉黃裳江都別唐太史幾還初服采真遊陽羨山中竹
樹秋浮海仙槎通粵島伏波軍馬駐揚州朱旗下靜龍
江水黃弩遙穿蜃氣樓共說文功稱不戰願將千羽奏

螭頭

藏微集

陶望齡揚州懷開美秣陵東上又扁舟雨地茫茫烟水

愁此夜雪深江樹暝可能無夢到揚州

水天閣集

董其昌廣陵道中送戴振之表弟南還一夜春隨客共
歸鶯花岐路意多違天涯結客同修襖物候催人幾換

衣壯士悲歌孤筑遠離堂風雨暮鐘微可堪添入江淹

賦回首隋堤柳絮飛

客臺集

來復揚州謠二首長淮千里水流過廣陵市水韻如有
情蕭條咽閭里我作使君恩未宣虛乘舫媿登仙却
嫌金鼓嘈嘈響驚起浮鷗不近船 水融湖上郭雪擁
浪花白漕流湖沒隄愁殺風帆客兩岸禿楊倒着身年
年稻熟半湮沉遠賈村農操首去誰知二十四橋春

伯詩集

王在晉江都懷古三首御苑龍鱗結彩同美人環珮舞
春風而今盡入雷塘夢不是汾陽避暑宮 洛陽宮闕

鎖烟霞偏歷樓臺日影斜浪語莫猜桃李子江都依舊

是天涯 馬上東巡去不歸六官猶著芰荷衣只今皂

笏無尋處應與暮塵一樣飛 寶善堂集

李日華贈維揚王孝廉中元蕪城春雨漲江沙沙上紅

樓映遠花一抹濃烟萬株柳紫駟嘶入玉鈎斜 甜致堂集

前人送錢而介之揚州橐劍來揚古渡頭偶隨使節下

滄州夜收街子平安帖春散旗亭釀飲籌數肋射麀梅

嶺下分棚戲馬蜀岡陬詩篇早出揚州市說鬼談孤興

未休 同上

袁宏道揚州曉泊薄霧隨風盡寒霜對酒消芋魁騰曉

市蟹子落歸潮住事瓊花觀新溝楊子橋雖然富羅綺

未必似朝前 袁中郎集

錢而介維揚晚眺錦纜芽檣何處尋隋家宮闕已消沉

雪匡右廟頽紅濕烟罩寒林暮藹深豈少美人頭上盼

可憐遊子夢中心風光只說揚州好客裡逢秋也不禁

明詩選

王衡揚州別姊丈季良三兄因緣兄弟好重以郎伯知

石花清點茗竹榻盡圍碁剪燭拚今夜連床想異時菜

萸不盡揮遠道更貽誰 緱山先生集

高出送柯季和之揚州歲宴日色淡寒江雨不絕晨起

理商絃遽作雙龍別同袍匪無衣如蛭蟹相悅交臂亦
何晚兒女情非屑况君去未遠無那中懷熱男女墮地
上肝胆如白雪感激在心期不如自口說許與必古人
磊落振高節君才本曠代淵穆洞以潔是行更攬勝清
風隨車轍枕上廣陵潮瓊花秀可擷弔古賦詩篇杯酒
又難闕追隨遂莫逮嗟予徒蹇拙好音時復來慰我柔
情結郎潛集

樊良樞送黃啟融邗關差峻還部鳴鸞建節出邗關關
外行舟鷗鳥閑見說使君心似水開門南望小橫山仁
草

林恕夜泊揚州廣陵城外水雲幽萬里歸程一葉舟山
勢北來衝海斷潮聲東去入河流瓊花觀裏春光暮隋
帝堤邊野色秋休聽秦淮南女曲豈知亡國是迷樓西
橋

朱之蕃揚州道中江花江草淨春烟北望空懷乘輿船
水國人家種楊柳清明士女競鞦韆客厨未乞龍蛇火
旅食頻催犬馬年遙想風流王處士西臺銀燭柘枝顛

兩巖
集

馬之駿送郭揚州出守時才西省美無倫早向名邦剖
瑞麟腐草不迷千里色枯楊曾見六朝人窓姝窺閣誇

增修甘泉縣志 卷二十一
青鬢江貫填街拜錦茵遙想郡齋馴鶴靜遊仙新句轉

清真

妙遠堂集

袁中道閑遊同中郎時在廣陵渡口藥雨淋淋暗送秋
雁行飄泊又邗溝一雙皂帽穿花市無數黃柑耀酒樓
落日雲霞江左樹晚風簫鼓北來舟朱簾處處藏鶯燕
未審何人是莫愁

珂雪齋集

陳翼飛元日過廣陵遇雪有懷邗流二十四橋斜翠幃
香車春事奢似馭春田披鶴氅真看玉蘂散瓊花濤隨
楚客驚飛鷺柳傍隋堤噪晚鴉東閣登臨還縱酒折梅

何自寄天涯

慧閣初冊

鄔左卿廣陵道中何處人家喚乳鳩千條烟柳夾邗溝
故園尙隔春江水笑指青山是潤州

芳潤齋集

陶允嘉廣陵詞桃花新雨後載月出邗溝棗板江南曲
筠簾擗子舟飛飛雙燕子何處覓迷樓

澤畔農吟

吳稼登次廣陵漫作曉看京口月暮拂廣陵烟柳影時
分浪花香幾到船市人龔重錦商女弄繁絃一片豪華
地誰論大業年

北征集

梅守箕送李七丈冠四娘之揚州新柳媚蕪城扁舟牽
浪平鏡波臨曉渡弦月應潮生桃葉津頭送梅花閣畔
迎四難並二美雙漿豈單情螢苑初回照瓊花今再榮

青林招秀色叢桂藉芳英
低語鶯聲怯幽姿鶴馭輕
廣陵濤未壯建業水猶清
非復憐新好誰令厭舊京
遙知名士悅非是少年行

居諸二集

何白閩詩人朱長文卜居廣陵
二首板橋甘四接隋隄
故苑離宮取次題不是幔亭無夢到江都
花月使人迷

纏腰騎鶴兩難兼
鶴背天風飄紫髯
莫道仙家惟絕

粒盤中騰有虎形鹽

汲古堂集

婁堅送子華赴江都
昨歲秋風別我行
蒜山雲淨月初生
今春寒雨看君去
柳岸潮還水正平
燕筍仁抽移桂棹
瓊花欲發到蕪城
懸知好事逢迎滿
載頻酒過與共

傾吳歎小草

程嘉燧揚州方季康館惜別
別路江南已數程
清樽細雨復江城
殘魂如夢聞鶯斷
舊恨隨潮立馬生
皈佛一心憐伴在
驅人十口悔身輕
岐臨共有沾衣淚
却使衰

羸暗撫纓

新安二一布衣詩

石沆廣陵紀夢
春盡他鄉夢
雲林思杳然
落花溪水上
斜日洞門前
鶴去遊城郭
春來弄管絃
倚闌懷勝事
光

細月初弦

白雲居士集

唐汝詢送陸長倩歸廣陵君家桑梓九峰陰
一去江河歲月深
避地梁鴻能做俗
登樓王粲有歸心
明珠未合

留他郡羈鳥還應返故林總是廣陵濤可賦忍令風木
夜悲吟

編蓬集

譚元春送蘇武子客維揚雨細邗江路春深漲水船別
予堪此地知汝自今年養母須身出消譖貴道堅莫將
才格好草草入芳妍

嶽歸堂

程格蕪城晚望同方太守元卿賦木落川原一望開孤
城客思轉悠哉帆隨斷靄天邊沒鳥帶殘陽樹杪來黃
葉疎鐘秋寺暝丹楓兩岸暮潮迴憑高欲擬參軍賦愁

絕西風半草萊

石林集

陸弼海上送葛士隆之揚州握手重淒淒天涯戀解攜

交情在貧賤客路易東西瓜渚寒潮上山光野日低平
安君可報無事八行題

正始堂集

前人君御廣陵買兩姬賦此以當花燭花裏閉關倚綠
軒玉簫雙鳳下翩翩也知趙璧能如是可道張星本在
天雞舌分來誰最寵蛾眉畫就各爭憐樓中丰部烟花
曲自是揚州樂事偏

同上

錢希言揚州懷古三度維揚十八年舊遊零落不如前
車傍擲果人何在橋上吹簫事莫傳潮落遠江瓜步雨
烏啼荒壘竹西烟風流杜牧元多感到日登臨一惘然

列朝詩

萬壽祺廣陵讀史辰昏鐘鼓向西華復道承恩出內家
大業自燒隋殿瓦宮人誰葬玉鈎斜江浮遠樹收殘照
月滿荒城起暮鴉十二樓臺千載後到今人面尙桃花

限西
草堂

陸寶廣陵懷古茱萸灣接古邗溝白塔河分上下流疏
鑿當時有深意徒勞官吏日持籌

霜鏡集

戎衣廣陵曲廣陵風景復如何清夜猶傳馬上歌官柳
碧含新恨少渚蓮紅濕舊愁多

待月軒稿

姜埭廣陵觀粥廠歎賦淮海天奧府驚風涌波異千艫
旣桓桓樹柵擁流利吁嗟五緯愆水怪驕莫治飛廉旣

碣駭川后亦跳洙興泰皆下河前賢建瓴勢古來守宣
房防及蟻穴潰誰令魚鱉穴何似列有位道路有沉冗
單羸氣一蹶舳艫壓通津漸使舳艫避少者哭河邊老
者已除醜懷中小男女不知幾時棄見此摧肝腸誰能
飽炮截淮南熬波客僉日鹽筴稅五寺六萬人日來六
百記及此逮麥秋動必十萬計中有二三麥再曰覆衣
被所苦市價高盡人或恐泥此事費捨攘似煩臺侯議
側聞搗礮功蒸黎愁欲曩山東道青兗豈獨憂湖隸有
田不如無一田用幾倍縣官怒如火鞭撻少愍隸緬想
甲兵初陰陽氣已沴皇天下哀眷百姓日翕黥智者揖

王侯小人生猛氣中戶百金產輕重
反倒置即何告大賈何以拯此輩
會讀玉條書科罰亦不細安得登南嶽

遂獲倉水字

敬亭集

前人揚州諸子讌集依韻荷芰初涼夜
縱談採蓮歌罷酒將酣客來畫閣臨
阡陌人在秋航受兩三極浦寒烟
猶自往故宫明月竟誰看江鄉還見
征鴻過莫道人情已厭南

同上

高承挺送王瑜仲還維揚一曲旗亭酒未消
離情已逐

廣陵潮君歸宜倚吹簫侶明月相思第幾橋

蘇古堂集

茅元儀送楊邦隆守維揚二首春染山山雨
染潮畫船

隔霧設生綃驪歌唱罷殷勤囑莫負花時廿四橋

郭霏微草影新數株汀樹挽長津平分春色江南北人

道江南帶到春

石民賞心集

朱一是維揚新月與諸君飲別二十四橋夜五千里路

人春宮同作客秋水故為鄰柳色雷塘舊月痕淮甸新

隋宮追往事攜手悵逡巡

為可堂初集

前人維揚嘉魯子璠辱賜佳句賦以答之十年曾憶越

玉宮城郭依稀烟雨中往事虛勞瞻斗極新亭重對泣

西風夢回未覺揚州遠才美猶畱鄴下工搔首雷塘疎

柳月淒涼應惜此心同

同上

葛一龍揚州夜泊卽事江城空夜冷高樓有美鳴琴樓
上頭只此柳窻微月照似他花澗暗泉流幽香彷彿因
情寄遠聽其如不見愁誰說廣陵絃已絕巫山巫峽在
孤舟葛震甫集

曹學佺送予白擢淮揚運長東南財賦困征求轉運今
須第一流際海金錢輸九塞隔江歌吹是揚州春風芍
藥堂前宴夜月瓊花觀裏遊舊治如臯行部處冰弦猶
是韻高秋石倉文集

游士豪送姚士獻之揚州省觀十年棲寂谷千里遂孤
征吳市雲如馬隋宮柳作城浮萍依滯客故壘練疲兵

厭聽關前鳥偏多喚友聲霧隱稿

陳子龍江都絕句美人日夜下揚州遠嫁傷心異域愁
不及隋家天子好傍儂門戶築迷樓湘真館

侯泚揚州五月江城江水深蕪城斜日獨披襟關河輪
輓交南北樓觀烟花自古今佳節未移鄉國興薄遊還
媿古人心十年蔓草梅花嶺手把蒲葵泪不禁掌亭集

朱士稚遇揚州淹流車騎引杯看獨上高樓愁未闌干
里鄉關聞過雁萬家風雪醉憑欄天涯客子依人苦江
上梅花倒地殘莫道春來動南北故人尺素遠長安貞毅

先生集

查松繼揚州詞江都士女蕩輕舟傳說當時翠輦留二
十四橋人散後風吹螢火偏邗溝晉清堂

蔣亦芳維揚懷古烟橫月落錦帆斜往事虛無想翠華
水浸雷塘春寂寂金衣閒領野裳花金 園稿

吳繼茂蕪城別社中諸子古堞平蕪夕照疎林葉落秋
風日送寒潮揚子愁生烟樹隋宮行色相看樽酒離心

共惜飛蓬今夜扁舟何處遙遙一水江東嘉樹旅稿

周俊蕪城對酒寄懷張淡雲校書樓上春雲黯夕陰折
花載酒偕同心芙蓉繡幄隱紅燭美人一笑輕千金南
浦別離情脉脉柳花繚亂風無力愁來獨上廣陵城江

水微茫天一色明詩綜

胡汝煥舟中遇張子乾之廣陵我從維揚來君向維揚
去南北任分風中流復誰語良遊適歲窮懷舊情千縷

歸見柳條青風流想張緒繁露園集

范國祿揚州曲煬帝雷塘日暮秋西風古岸棹悠悠鬪

雞宮女埋芳袖挾彈吳兒冷翠裘千里關山空騷島誰

家楊柳度笙篴只今烟草霏霏濕莫上江邊舊酒樓細香

草
鄧文明維揚與丁南羽話舊文苑誰當老畫師前生應
是虎頭痴興來落筆書能細老去揮毫句轉奇曾向漸

溪採墨妙竟於閩海阻風期隋宮草色秋如許留得青
青伴紫芝

淮南社草

于鍾元歲宴客廣陵有懷第五師高郵并投李氏伯仲
冷意森森透畫屏爲誰飄泊寄郊垞風掀簾幙鳥棲樹
雨隔闌干鶴過庭南國離憂懷屈宋北朝文賦慕溫邢
擁瓊廡下披書傳添得沉烟一穗青

秋蟬集

沈章隋堤懷古邗溝新碧晚濤平楊柳曾遮殿脚行誰
道雷塘歌吹歇月明重按玉簫聲

世莊集

劉城揚州詩不作揚州夢真成此地過琴聲知己絕濤
色近如何懷古猶烟月遭時難嘯歌一亭兩使者意氣

寺人多

暉桐文集

周倫發揚州揚州已二月寒色帶蕭森夜雨太無賴春
風轉不禁驛船千里夢客路五更心迢遞長江隔雲天
雁字成

貞菴存稿

李堅維揚懷古淮海維揚名尙在繁華不見舊時州烟
迷吳苑巡遊地雲瑣隋家歌舞樓千古廢興增感慨百
年自世且優游君看數畝雷塘路閱盡行人春復秋

調菴

遺稿

袁元綠送馬叟還廣陵西陸催行色相流祖別筵征帆
醉別渚疲馬戀回川老寄滄州愜情傷白髮牽風塵增

甲子生計盡林泉嚼藥陰有雪誅茅夕野烟離衝彭蠡
雁歸渡廣陵船兒女天涯夢雲山歲暮年折荷包露飯
緝葦藉霜眠朗月江楓曉晴嵐浦樹邊逝乘秋水舫息

影北村田

甲秀園集

官撫辰十五夜泊維揚寄酬杜子皇見汪生曰作遷客
秣陵來又向廣陵去正是看燈時指顧天邊路寥寥海
上鷗渺渺烟沙樹潮來包眾流隨流如逆溯桂楫打鴛
鴦魚龍泣烟霧蒼然寒月開仙子雲深處淮津迷以折
忽有漁郎渡邗水向人淥一鳥背成怒歸飛欲何爲鳴
鳴懷杜預生涯惟醉歌樂我南華瓠幽琴故未知搖落

滄江暮羣動逐繁華伶人不相遇

貴希草

胡大成汎舟維揚城下碧水通江宛轉迴崇樓千雉倚

江開天寒野曠遊人少日暮孤舟載酒來

滄源集

張琴前蕪城行櫂槍櫂槍在天角黑夜防城臥刀禦城
南城北久戒嚴鐵騎橫衝來不覺將士直驅二千里炎
天城外下營壘健兒饑渴刈青麥打糧急到荒村裡城
內談兵將自焚鞞鞋畫戟徒紛紛女墻峭望援兵絕
貅十萬誰能軍四鎮不和亦不戰擾攘各自分鄉縣獨
有相國泣登城黃金一錠催一箭數日東風雨細微
策連營集四圍巨礮怒擊走雷震火光紫黑如兒飛忽

然闌北石崩裂，蠱走各持鬼。谷鐵下令屠，城城夜鳴須。
與化作一城，血鬪體填巷。日糢糊三日，封刀日已晡。婦
女鞭撻筋肉盡，小兒猶向馬前呼。傳聞渡江整，予盾滿
城瓦。磔烏啼晚，橫屍莫辨。是誰何至今，招魂總不返。明詩

選

前人後蕪城，行紅橋紅橋。跨水邊蕪城，又近清明天。十
年生聚猶不足，何處得來遊冶錢。日午謳聲幾處舉，岡
上桃花雜少年。新妝炫服真可憐，老稚肩摩已色許。名
園臺榭侵天半，欲到旗亭過北岸。人人買醉紅裙前，不
惜黃金錦繡段。畫舫無數停山寺，撥盡琵琶還鼓吹。只

顧眼底常歌舞，不憶當年揮血泪。當年未遭兵火餘，尙
聽人傳萬歷初。城內士夫猶布履，小民不敢乘肩輿。未
年何故忽輕薄，綺筵華服耻藜藿。暴殄天物竟不哀，情
義與人甚落寞。一朝離亂門戶破，幸得生全無幾箇。雖
賴官長稍平安，又恐奢靡風復大。老人漸少事日非，少
年耳熟說者希。回思乙酉城崩日，爲君涕泗放船歸。同
林古度留別揚州，不到揚州十五年。繁華近水倍淒然，
來尋朱戶多移主。歸貫青山不費錢，三伏薰風憐潦倒。
二分明月惜周旋，可能老我重相訪。再酌棲靈第五泉。

茂林之
詩集

閨秀錢氏女述懷靜守深閨歲屢遷蕙心蘭質自娟娟
援琴不奏桑間曲揮翰能題葉上聯龜灼已知無吉兆
鵲橋那得有良緣芙蓉只合含霜死肯向西風怨暮年

列朝詩

項蘭貞揚州晚泊空林日暮人行少維揚古渡聞啼鳥
聞雲來去數青峯極浦寒烟孤樹杪岸濶潮平一雁過
木蘭舟蕩採蓮歌荒村漁火半明滅新月如鉤應薜蘿
忽聞野寺疎鐘動棹歌聲外江風送徘徊枕上意如何

清笳吹起江南夢

裁雲草

瑞淑卿隋柳煬帝宮中柳凋零幾度秋蟬聲悲故國鶯

語怨荒坵行殿基仍在空江水自流行人休折盡春日

更生愁

綠窗詩稿

釋梵琦大熱泊揚州南船不奈火雲蒸小住須涼看廣
陵珠簾有紋搖細浪翠瓜無滓嚼寒冰平山堂下風初
到后土祠前月欲升聽徹梅花三弄角只今身是太原

僧

楚石大師北遊集

宗陟隋隄搔首隋隄落日斜已無遺柳可棲鴉岸傍昔
道牽龍檻河上今來走犢車曾笑陳毛歌玉樹却從后
土看梅花四方正是無虞日誰信黎陽有鼓笳全堂外
守仁三月二十一日舟次瓜洲至日至廣陵寄鎮江禪

友長風挂席渡瓜洲及此春晴得勝遊山勢北來吞鐵
甕江波東去接淮流交情繾綣勞追送天語殷勤敢滯
留怪底瑤花頻入夢月明三鼓到揚州夢觀集
前人寄揚州僧剛夔長老秋來淮上夢幾度到江東綺
閣真虛幻瑤花定有無海田豐黍稷野水足菰蒲悵望
天東月清光永夜孤同上
德珉廣陵道中夜行有懷故園諸友潮落空江月滿洲
夜涼沙際淡螢流人家遠近迷樓樹燈火微茫映客舟
露下兼葭歌岸夕風驚絡緯野籬秋天涯聚散相知少
惆悵篷窗憶舊遊春花集

智舫送甫田朱憲昌卜居揚州閩海相攜一釣竿而今
重謝浙江千廣陵八月秋濤壯更著扁舟何處灘黃葉稿
國朝錢謙益十月朔日抵廣陵隋苑荒臺葉不飛竹西歌

吹正依稀流螢尚作蕪城夢跨鶴真同華表歸舊事月
明空在眼新愁水調欲沾衣笊籬灣畔孤墳在萬點寒

鴉送落暉

故人顧所建墓在笊籬灣

牧齋集

王鐸揚州聞岸上琵琶水鄉到處若爲家忽見江風灑

稻花丹裏誰知孤客意廣陵殘雨聽琵琶

擬山園集

龔鼎孳送郭友威還邗上和吳園次韻惜別朱弦欲罷
彈側身天地可全安路經分手風烟改香忌當門出處

難鐵甕一軍江樹暗銀簫五夜酒盃寬離亭日落休回
首柳市烟塵已耐看

定山堂集

梁清標揚州偶感四首由來明月在揚州子晉吹笙此
地留玉燕上釵三婦艷金丸落鳥五陵遊丹青錦軸充
行笥燈火春霄醉畫樓一代豪華流水盡祇今猶說富
平侯 前溪一曲舞腰輕挾瑟佳人自石城十里香凝
思步障五侯餉合玉盤鯖田文座上雞鳴客虞氏樓中
采擲瓊燕去烏衣空甲第邗溝花鳥若爲情 日暖泥
融走鈿車江頭唱徹後庭花櫺閉驟裏金羈落獸壓香
爐玉辟邪翡翠歌垂宏靖宅珊瑚樹出季倫家竹西何

事喧歌吹不種東陵五色瓜 隊隊紅妝細馬馱鳳臺

消息竟如何千盤客饜銀絲膾七寶花園白苾歌醒酒

石欹秋蘚蝕縷金裙登舞塵多蕭條衣桁毬場冷無復

春風入綺羅

棠村集

趙十春再過揚州漫賦繁華銷歇古今同並入雷塘一

夢中人訪舊遊多下泪僧追前事苦談空颿檣一水連

芳草簾額千家隱繡櫳有客淒涼誰共語微吟痴立渡

頭風

保開堂集

李沂揚州叅將李鐵臉歌天下兵官誰最壯眼中惟見
李叅將叅將名高功不成至今揚人爲惆悵初至維揚

號令明旌旗壁壘雄風生連宵火砲教夜戰自奮刀槊
來奪營私帑椎牛饗壯士金錢射中誰敢爭朝食潢池
誓剪滅五千紫塞堪橫行承平既久武備弛海內傾洞
兵戈起朝貴由來賤武臣羣雄虎視變天子已聞關內
縱長鯨更傳劍外奔封豕棘門壩上皆兒童蕭呂娘姥
尤龍鐘日驅市人潤鋒鏑飛書奏捷乾清宮神州大勢
漸崩蕩誰知赤心報君上但呼鐵臉人盡知淮海之間
稱保障城東夜落星光紫叅將未死馬先死叅將旣死
人歎嗟明年廣陵城上看邊笳

李艾山集

又揚州灣頭有虎行南山有虎耽其目白其額咆哮憑

陵驚我都邑

解一

磨不至鳳不翔雙目眈眈來遊我疆

解二

徧處我里伺我行旅饕餮我婦子誰假女羽翼女欲則

安極

解三

張我弓挾我矢願言逐虎哀我羣醜掌迹如盎

林薄風吼

解四

朝逐虎暮逐虎虎不得官常怒窮民恐驚

匪惟伊之故

解五

同上

吳偉業揚州疊鼓鳴笳發棹謳傍人高唱廣陵秋官河
楊柳誰新種御苑鶯花豈舊遊十載西風空白骨甘橋
明月自朱樓南朝枉作迎鑾鎮難博雷塘土一坵野
哭江村百感生鬪雞臺憶漢家營將軍甲第橐弓臥承
相中原拜表行白面談邊多入幕赤眉求印却翻城當

時倘有黃公覆西上徧隨阮步兵 盡領通侯位上卿
三分淮蔡各專征東來處仲無他志北去深源有盛名
江左衣冠先解體關西豪傑竟投兵至今八月觀濤處
浪打新塘戰鼓聲 撥盡琵琶馬上弦玉鈎斜畔泣嬋
娟紫駝人去瓊花院青塚魂歸錦纜船荳蔻梢頭春十
二茱萸灣口路三千隋隄碧月珠簾夢小杜曾遊記昔
年 梅村詩

又過揚州弔衛少司馬紫岫 衛韓城人余同年同官畫

省連床正論文天涯書劍忽離羣非關衛瓘需開府欲

下高昂在護軍 高深秦人朝議以紫岫同葬骨九原江

上月思家百口隴頭雲故人搖落邗溝暮為將椒漿一

慟君 同上

曹溶廣陵別袁籜菴聯舫邗溝路雲濤興渺然柳無經

歲別月似故山圓老泪沾歌板歸裝儉株田桓家寒具

美一飽足高眠 靜惕堂集

顧景星聞友在廣陵四首當年垂柳幾株存送客春帆

每斷魂明遠賦成休再續樊川夢覺已三番 予不到已

矣懷沙丞相西州路 相野寺將軍東郭墦黃靖君到

依然花月地可能一飯弔江村 東南一線晚輪過煬

帝功高關運河十里簾櫳新粉黛千年城郭舊笙歌土

風送嫁殊鄉易俠客登樓薄暮多寄與兩江賢制府

成龍總督後來號令復如何 邗溝開後更繁華誰取

蕪城作帝家懋代山川亡國夢六朝鶯燕返魂花綺羅

別泪猶嫌濕簫鼓新聲莫競誇惟有多情江上客年年

如鏡照天涯 海口風濤急暮潮蟬螿蛤蜊滿吳艸能

無痛飲十千酒仍有吹簫廿四橋水調紇那誰更唱瓊

花壁月可憐宵太平樂事還堪賞白首狂歌答聖朝

集 陳廷敬揚州二首綠楊城郭古揚州多是三生夢裏遊

今日到來雙鬢老朱樓空捲玉簾鈎 烟月揚州處處

花風流贏得俗人誇憑君更數淒涼句終古垂楊有暮

鴉 午亭文編

又懷吳茵次揚州十年僦屋西街住山色東窓共短籬

隔坐秋燈聞夜語早朝官馬并晨嘶江寒北雁春前少

人去鄰花雪後遲渺渺蕪城烟水濶蘆樓明月憶君時

同上

又廣陵夜行明日次寶應懷王芳若竹西歌吹罷灣口

似殘春何處金釵澗相思玉局人五湖猶在夢三畝可

同鄰浩蕩烟波裏沙鷗已自馴 同上

董俞送僧之邗江漉水杯初渡蕪城錫又飛尋山歸路

遠得句和人稀曉飯燈懸驛寒禪雪滿衣烽烟兼歲暮

何地暫相依

前北遊草

李鼎元邗上別三弟豈不懷歸去蓬蒿滿石園思鄉惟
有泪別弟亦何言岫岵山前樹鵲鷓原上村爲期還里
日春暖浪花鯀

石園全集

杜濬揚州教場寓樓坐月鼓角竟無聲愁人愛晚晴寺
樓雙眼潤烟海一燈行玉笛悽應斷銀蟾缺更明坐深
無歎息真想靜中生

癡雅堂集

徐乾學周量中輸入都重陽前一日遇于廣陵蕭蕭疲
馬過雷塘却值征帆指帝鄉惜別三春愁五嶺相逢兩

度喜重陽月懸古驛江湖落霜滿長隄野草荒我自跨
鞍君解纜更期燕市共徜徉

倦園集

孫枝蔚黃九烟再至揚州偶得首句屬和十九年來酒
一杯乍因相見錯相猜令威忽向遼東過蘇武何時塞
上回月色分明臨几席簫聲依舊滿樓臺惟憐烈士頭
全白往昔雄心盡已灰

滄堂後集

毛奇齡次揚州八韻八月隋隄柳三秋揚子波南朝會
作鎮大業舊開河螢苑銷花草瓊臺尙綺羅雷塘宮北
舞水調竹西歌高旆京漕粟長船蜀估巒重圍如合璧
交堧勝連珂京口雲生晚淮南木落多蕪城吾有賦騁

望意如何 毛翰林集

曹爾堪廣陵懷古何須故老話興亡兵後繁華事渺茫
邗水曲流通汝漢蕪城衰草恨齊梁客尋芳棹驚歌斷
馬過朱欄識酒香不盡泪痕傷往跡夜深紅雨濕雷塘

國朝詩的

王士祿廣陵春遊曲二首紅樓空復玉人簫舊跡銷沉
廿四橋殘醉臨風獨怊悵遠春無際水迢迢 寶城北
是上雷塘細草青青墓跡荒莫笑錦帆隋煬帝李花楊
葉雨茫茫 考功集
王貽上別廣陵禪智秋來波淼淼紅橋春去柳迢迢平

生水調停杯處不信魂從此日銷 世帶經社堂集

又送楊東子孝廉歸廣陵兼寄費此度淮南三月春江
綠遊子歸帆指江曲客路驚逢黃鳥新到家正及櫻桃
熟楊郎風調絕世殊少年能讀等身書手將玉麈都無
別瓊樹瑤林定不如去年壯遊輕萬里灩澦瞿塘片帆
耳崢嶸赤甲羅胸中突兀黃牛壓篷底司馬橋頭駟馬
歸杜陵花發拭春衣長安官舍一杯酒却憶揚州初見
時揚州城西蜀岡路猶記當年野遊處歸語成都賣卜
人乘槎欲訪支機去 同上

又程友聲畫余綠楊城郭是揚州舊句寄賦荅二首於

菟兒字勃昨日雪中歸把卷開爐擁衲衣五十年來賓客
盡綠楊城郭尙依稀 雨牕漱墨寫邗溝遶郭依然碧

玉流寄語紅橋諸士女老夫雖在雪盈頭

同上

王士祜廣陵諸子泛舟送余東歸限韻分賦浦漵新潮
平溯澗乘流便輕風颭芰荷冷然送餘善佳日分懷抱
揚舲啟高晏千古河梁人魂消此纒綬荒唐閱時序鳴
禽聽屢變倦翮思故林及茲但悽戀絲柳映深杯綺霞
絢芳甸明發矚川塗悵矣澄江練

古鉢集

丁澎送許力臣遊雍歸廣陵許子東都彥時名久擅揚
賦才探石鼓碑記辨中郎芳草遲歸夢春星冷客裝右

文當軸意急早獻長楊

扶荔堂詩集

吳嘉紀東家行

壬寅六月揚州事

東家錢多高興發娶婦無端

當六月婦家愛女竟不辭楚練齊紈日夜治治成衣裳
枚次第上著六層下著四絲絲纏纏直到老風俗舊例
重繇襖一事違俗恐弗吉阿母不肯織毫少女兒低頭
泣無言擁入繡輿簫鼓喧眼前新人就火堀安能忽死
到夫門夫家賓客實華屋爐燃松焰几燒燭到處宿肉
皆鬼伯忍將餘生相迫促有生歡樂轉成悲始悔炎天
作事非畏尸更不須繒帛送嫁衣爲送死衣

陋軒詩

魏際瑞知凝叔在揚州聞道欒城集江都日哄然項斯

逢說處李賀過高賢著述原傳世文章却自憐千金司
馬賦未有一錢穿 弟作邗江客兄爲浙水賓四年如
斷雁千里絕纖鱗貧賤違初志尊嚴隔至親有書無處
達開篋淚沾巾 魏伯子文集

饒瑾送友人之廣陵黃鶴仙人歸去來倏然杖履任徘徊
但留白眼看今古莫問侯門開不開 見硯齋集

施潤章邗江客舍同孫豹人李岷瞻陳伯璣澤畔晚招
尋開庭碧樹陰持螯諸味失坐月一宵深世久疎揚馬
遊當問向禽烟霜漸搖落相贈歲寒心 愚山先生詩集

又廣陵醉後贈陳曼仙同年 陳舊官蜀自免歸 拂衣不採商山

芝草堂不羨浣花溪暖老爭看人似玉把詩自勸醉如
泥開軒種竹江雲入素甕酌酒佳賓集洞簫鐵笛相和
鳴玉柱檀槽雜歌泣芙蓉含霜暗氤氳婀娜吳姬美出
羣輕謳緩唱四坐靜不動朱唇聲遏雲十年契濶今良
會宦遊忽叙巴西事羗材蠻洞畏豺狼哀角西風動天
地萬里生還信偶然銜杯且稱平生意主人瀟灑良得
計有客風塵早憔悴柴桑夙昔無宦情東山偶起憐蒼
生昔何勇健今何老歸臥雙溪弄月明 同上

吳綺寄廣陵諸同社茱萸灣下雨如絲彩鷁橫江別夜
知小草誤牽揚子夢落花重失酒人期黃雲斥堠述邊

地修甘泉集志 卷二十一
笛青海樓船擁戰旗惆悵鄉關消息斷秋風白雁晚來

遲

林蕙堂集

潘高廣陵送別秦中故知雨入千山急人歸萬里遲灞
陵相別後剽杜乍逢時當酒聞花氣分筵折柳枝何堪
歸去後南岸聽黃鸝

南村詩集

宋犖秋日廣陵落葉聲中與鶴閒竹西歌吹總教刪寫

望朝來定何處衝泥還擬上平山

西坡類稿

高士奇過邗溝偶詠雲檻風櫺近水針芙蓉小雪尙開
花紅樓十二新梳洗盡捲珠簾看翠華

苑西集

汪宛過江距廣陵三十里值暮雨天陰生暝寒旅舍傷

寂寞微雨江上來江村杏花落燕歸柳塘社漁返瓜洲

郭何處遠鐘聲孤舟宜早泊

堯峯文鈔

汪楫送程飛濤至揚州二首已是蛩蛩逐駟驢比來踪
跡尙嫌疎壚頭酒盞君毋却明日相尋只鯉魚 十尺
堅水鑿不開猶言朔氣未全來君歸日與陽春近飽看

堂前玉蝶梅

京華詩

又林茂之先生重來廣陵感贈不到揚州五十年當時
景物未茫然聽鷓尙憶隋堤柳沽酒都非萬歷錢隔代
風流悲故舊三朝聞見薄神仙只愁處處桑田改數問
城西第五泉

悔齋詩

方象賢維揚旅店坐雨時將赴鄴訪毛會候寂寞邗關
外西風帶雨吹扃門簷滴近出戶晚烟遲城遠行人少
天寒櫪馬嘶故交還鄴下何日慰深思

健松齋集

朱葵尊初冬北郭讌集分賦詩朋期不違勝引情在愜
潦看楚澤收簷與蜀岡接藥藥斂餘花變變下涼葉短

景猶戀人深杯轉稠疊

螺書亭集

又飲方觀園亭卽送其入都陪苑 移柳吳歌罷采菱

平山窺戶入遠水出郊澄券尾驢三紙霜羣雁一繩金
臺行在望樂劇許同登

同上

李光地送唐次衣歸廣陵綠浪漾麥花之子循陔去白

頭望班衣應倚庭前樹巧匠忽袖手遣誰實館署俗下
但奔波豈憶南山霧此行盛所業來只光文部况是古
人心不以三公顧柳雨湖邊舟花風壩上路無窮惜別
意轉作羈人募投老負君親素食已孤露慰夢賴友朋
棲遲付良晤愁人夸奈何風萍儼離聚邀恩抵故坵去
來幸一遇事業富後生鼎鼎方未暮振刷步清華甘使
流年誤吾歸山之阿寓我以佳句

榕村詩集

陳維嵩送趙天羽郎中出權揚州鈔關雪後干門皎不
收送君乘傳下邗溝風帆一片迷瓜步城角三更到蔣
州揆柁漫聽囉噴曲箕緡真繫度支愁遙知趙嘏籌邊

意不爲吟詩只倚樓 纔說江都意倍親平生此地最
知津鮑照舊作蕪城賦杜牧曾爲載酒人鴉點雷塘秋
瑟瑟笛吹板渚水粼粼三年京洛棲遲閣客官梅花又
一春 陳檢討詩鈔

馮班有懷却寄仲繁時在維揚花下不得意布衣棲旅
塵銀箏與紅燭人夢太頻頻聚散雲團陣年華日轉輪
因思莊叟語何物是靈椿 馮氏小集

梁佩蘭邗江早發客夢雖在水不知波淺深無端昨夜
雪飄入蘆花林曙星猶未光天氣成積陰忽渡白馬湖
眊眊鳴沙禽遠火照大江長風吹歸心引領望楚國一

發吳會吟隱隱扶桑霞初日照高臨 十六卷堂集

毛稗黃送諸大駿男遊廣陵陽春二三月桃李紛婀娜
與子日攜行行國復于野開襟招遠風登樓興瀟灑觴
酌共酬獻懷抱互傾寫如何賦遠遊扁舟忽東下言觀
維揚花行鼓秦淮柁分襟在斯須牽連未能舍送目良
已遙銷魂信非假念子方爾豪轍迹宦轍軻姜公殊威
稜張子况風雅赤欄坐觀魚綺陌閉乘馬劇談每超元
高宴必繼大吾徒滯此鄉筋弛神明惰良朋雖云多和
者轉憐寡渺焉愴于心勞勞起復坐何須感嚶鳴且復
送杯尊丈夫志四方誰能盜盈把沉醉終今宵明發望

我舸

思古堂集

田雯揚州揚州城外方園好水榭風亭花未殘春色已
當三月半酒杯須放十分寬日搜書肆空成癖人喚狂
奴幸解官第五泉邊一枝艣道巾野服去盤桓

思古堂集

暮鴉

遂初堂集

趙執信揚州旅舍苦雨北人憚船居先喜落城市誰知
屋三間仍與船相似東偏啟門徑西頭著妻子就中客
一席狼藉堆衣履僮僕隱墻隅坐臥雜筵倚是時天陰

寒十日雨不止荒庖斷續烟敗砌淪漣水窺天如墜瀾
堦戶每堅壘行踪脫塵垢客夢困泥滓扶杖出何緣揚
帆興翻起飛書問故舊恍惚半生死鶴語悲千年海勢
限萬里中路滯留難遙期歲華駛佳霽恐無時因風徑
南指

秋谷集

嚴繩孫發維揚輕舫春流上烟光淨客衣岸知緣海澗
山自渡江稀細路花將盡空村燕不飛浮家吾自可白
首共漁磯

秋水集

金鎮廣陵秋興次杜少陵韻山河百戰付殘暉無復離
宮鎖翠微過客漫悲楊柳曲行人但指鷓鴣飛文章蕭

地化古身異
卷二十一
三
統樓還在賓客劉安事竟違
彌望江頭增戍壘
秋高昔
藉馬初肥
淮南勝蹟在
平山極目南
徐指顧問銜尾
漕舟通楚甸
踏歌燈市繞邗關
雨餘熠燿潛消影
霜老
芙蓉暗換顏
魚鑰菟符來臥護
多慚長儒昔清班
惟墨
堂詩

李良年廣陵船歌送葉元禮之真州君不見廣陵船烟
波不動笙歌起美人三月鏡中行朝朝暮暮垂楊裏來
往逐春風沿涇路不窮官橋二十四曲曲繞隋宮隋宮
蜀阪逶迤接向晚停歌復停楫一入紅林不見人但聞
香氣飄羣屨河陽方妙年擲果舊相憐遙逢廣陵女應

繫廣陵船船頭野色連瓜步岸草江花幾回顧那能雨
漿下真州却向昭明讀書處
秋景山房集

湯右曾贈歌者時郎三年隋苑鬪繁華定子高筵醉臉
斜水調莫歌歌苦雷塘幾畝野田花
懷清堂集

姜宸英自金陵還渡廣陵飲李延令秣林江樹雪初殘
東閣梅開歲已闌水驛夜眠無犬吠山田人去傍烏餐
新詩自合題任昉
有馮使
君寄訊塵釜何緣洗范丹堂上開
今古調轉將此曲向君彈
葦間詩

費錫璜揚州郭外郊園散步欲何依郭外人家麥秀稀
遊女香車催曉度王孫寶馬入春肥宿烟野渡桃花暗

寒雨江村燕子飛莫問南朝舊宮觀且看柳外畫船歸

制學錄
堂集

又揚州太守行正德中蔣公瑤為郡守武宗南巡君不

見武宗昔幸揚州日太守蔣公惜民力一日需布三百

疋一疋只給三五尺臣妻臣女請前驅郡中郡外皆帖

息強項敢觸至尊怒冷面不怕江彬責事臨盤錯思古

人嗚呼古人那再得嗚呼古人那再得同上

邵長蘅書揚州邸壁斜風密雨打窗涼酒醒殘燈夜正

長作客此時腸已斷更堪明日是重陽青門簾稿

又隋宮懷古三千錦浪照江霞十里香迴迎輦花不信

祇今春草綠鷓鴣飛上玉鈎斜同上

傅仲辰揚州夜泊暮雨垂楊細春風廿四橋人投江市

火帆落海門潮舊業餘長缺新詩寄一瓢何人吹玉笛

腸斷故山遙國朝詩的

許士進揚州道上濁酒寒燈客思清良宵聽雨夢難成

烏逢曉日春江路柳暗花明取次行謹齋詩稿

王定猷返揚州喜晤孫無言却訝秋還在蕭條滿目非

江山千騎暗城郭一人歸見子南冠泪猶驚楚客衣庭

花何爛熳寂寞伴伊威西本堂集

張潛廣陵驛古驛枕通津千帆次水濱欲知南渡客細

數北來人日暝看餘景花飛識晚春紛紛移小艇飄泊
此饑民國朝詩的

何喜廸揚州紀事韓歐勝賞苦如何藥圃簪花妓折荷
往代到今詞客少斜陽自古戰場多枚生賦後濤猶壯
董相詞前碑盡磨三十餘年烽火恨怕聞玉樹隔江歌

我來官閣詠梅花又聽征車雜戍笳到耳管絃驚水
調關心烽火望天涯平山刻石留丹巘古寺題詩待碧
紗幾許廢興都不管綠楊城郭只啼鴉同上

吳璟揚州雜題二絕句塞草蕪城舊夢寒歌堂舞閣管
絃殘淒涼南部烟花錄祇遣風流筭筆看 明月珠簾

半欲開隋家隄上醉鞭回十年零亂青樓夢誰遣春風

小杜來

西齋集

潘帖送王野遺之維揚書畫隨君上釣船春風嫋嫋一

帆懸楚山行盡吳山出江月纔明海月圓但聽流鶯歌

玉樹莫尋芳草拾金鈿憑誰却詠蕪城賦佳麗而今復

似前

獨美軒詩集

王鴻緒過揚州生涯不慣御駢驛畫舫清波性所耽塵

拂征衣來薊北花明客眼到江南隋隄鶯暖聲穿柳京

口雲開翠滿嵐更見列城喧鼓吹香燈錦障色氍毹

山人集

增修書身集

卷二十一

藝文

五

曹貞吉清明送錫鬯之揚州風揚幾尺青帘子雨濕一枝紅杏花共向樂遊原上望鈿車流水入初斜實菴集

李國宋廣陵竹枝詞吳溝遙接汴河開江上春潮日日迴夜半槳聲聽不住南船纔過北船來南朝詩的

王希儒廣陵秋詞劫火摧殘事已遙至今明月憶吹簫

秋來夜夜霜如霰白草寒烟廿四橋同上

彭孫遜廣陵曉發林外烟生處人家望欲迷青萍紫棹轉白鳥傍舟低獨樹風鳴葉空江水拍隄孤帆前路去

秋草正萋萋羨門集

顏光祚竹西曲柳鞦韆花陰揚子橋儂家樂事勝前朝不

須更畏韓擒虎別有深宮集阿嬌國朝詩的

靳應昇廣陵楊花篇行人莫上廣陵城楊花傷我情行人莫過廣陵路一片楊花一回顧憶昔廣陵江水春二十四橋多麗人鬢栗一聲塌城角畫閣朱樓皆寂寞我來逡巡邗溝涯溝裏溝外空楊花三月不問蕃釐觀馬走不向玉鈎斜楊花三月如白雪日日吹風吹不歇風吹花落可奈何祗今愁人腸欲絕吁嗟乎榮枯哀樂無時休我爲君勸君莫愁風流千古隋天子回首雷塘只廢邱同上

許承家廣陵懷古漢室藩封貴江都相廣川黃雲遮第

宅朱邨老材賢但有膠西怨誰憐博士瓊門前雙井在
嗚咽動寒蟬

獵微堂集

王方岐揚州歌吹詞陌上韶光畫不成青帘白舫棹歌
聲茶蘼開遍棠梨謝楊柳青青萬古情 雨過橫塘柳
浪香採蓮歌發趁斜陽尋常醉賞樽前月珠翠風來錦

瑟傍

同上

王材升客維揚懷浮村上人休夏海陵高僧出世正華
年文選樓中自坐禪客舍予從三蜀返新詩汝已萬人
傳小江曲折生潮水首夏清和上酒船不見南能心若
失海陵雲樹意茫然

同上

余英揚州三度蕪城又十旬紅橋烟景竹西春乘風小
艇尋詩遍繞郭名園載酒頻柳絮不飛隋苑恨月光遍
照夜遊人平山堂上千秋業一似瓊花冷翠茵

同上

汪徵遠邗江泛舟同吳蘭次春水木蘭橈同尋廿四橋
勝時多載酒風氣愜吹簫錦纜餘烟井粧臺有牧樵相
思在明月好夜更須招

同上

孫宗元自金陵返棹維揚書室愁坐旅情孤厭見兵戈
送老儒故國八哀人物志舊時三殿黍離圖金天夜靜
揚州月銀海光寒高士湖肯效枚臯誇草檄鴟夷傾倒
酒家壺

同上

周在浚揚州隋隄垂柳復垂楊萬里江山化戰場不見
瓊花開廢苑獨憐螢火照雷塘千秋基業成烟草一代
風流是帝皇昨向迷樓問遺跡杜鵑啣恨哭斜陽南行集
江闔至日用少陵首句送外舅還廣陵年年至日長爲
客客久何人不憶家浪得齊名徒自笑幾堪遠別漫興
嗟洞庭雲起隨帆落磊石山高帶日斜安得雷塘同放
櫂三春飽看嶺頭花江辰六文集

史申義送唐次衣歸里三首十年京輦客三月故園心
酒價傾燕市才名滿上林閒騎果下馬嬾問篋中金射
策身方貴中名山莫戀深 春晚雷塘楊花輓作毬君

聽烟外笛應上水邊樓舊侶尋何遜新粧看莫愁玉鈎
斜畔月先爲照歸舟 金輿巡幸後到日脫征衣巷口

櫻桃賤槃中豆筴稀盆花當晝發江燕近人飛若見吹

簫伴言予倦欲歸謂王季嘉範又昭著昆季 過江集

呂履恒揚州四首西苑離宮鎖翠微錦帆清夢幾時歸

秋山月冷無螢火夏木風多有燕飛桃葉渡頭先洗甲

楊花曲裏又沾衣洛陽回首腸堪斷莫向江南望夕暉

龍舸鷄臺總廢墟廣陵潮信近何如兵鎗燐火思黃

蓋野葬衣冠痛史魚邗水蓮舟風色冷蜀岡松徑月明

虛南朝諸鎮金牌撤不用聊城射矢書 淮海東來列

漢營將軍誰復嗣西征晉陽與甲非無意許下遷都亦
有名雲黑旌旗翻夜壘天清笳鼓響秋城尙餘詞客登
臨處忍見雷塘土欲平 魏塵楊柳暗紅橋六代繁華
未盡消春草烟生金馬埒江花月上玉人簫詩成東閣
朝珠傳酒坐西亭夜聽潮惟有平山堂上客風流名姓
在漁樵 夢月巖詩集

查慎行題畫贈揚州王漢藻一路垂楊記泊舟北湖南
埭水浮烟君家舊任茱萸洗別築灣頭小輞川 敬業堂集
又過揚州示宰性賦楊曉先兩同年不到紅橋已八年
有人柳下記停船楊郎落第崔郎病縱使同遊越可憐

上同

王鑑送陳生歸維揚買舟南下送潺湲解纜開窗過早
關紅葉還留前代樹白雲多近晚秋山霜橋夜月雷塘
水草路明湖胥浦灣若得等閒尋勝跡玉鈎斜在綠楊

間 國朝詩附

查嗣瑛泊舟邢溝次宮坊沈允斌茸裘押酒上旗亭十
斛羈愁頓易醒昨夜燈船船上笛有人遙隔雨絲聽
落盡春叢次第花茶蘼開後始還家擬將天上繁華夢
歸向山窓幾夜誇 查浦詩鈔

又及門方近雯招同鮑又昭汪民長楊滙南唐序皇放

舟郭外金松粉竹繞閒廳
鹿眼籬荒鶴墜翎
啼鳥不知花易主
名園今已換旗亭
崔魏論文藝且賢酒樓吹
笛杏花天定知今夕江南會
突過黃樓五百年同上
劉中柱廣陵送金長真太守之任
東南勝概廣陵最
枕江背淮稱都會
甘泉一山插其中
邵伯五湖環其外
千船萬船鹽似雪
啣尾帆飛無斷絕
珊瑚翡翠滿市來
繡箔珠簾通衢列
層疊歌臺錯舞榭
銀燭光燒天不夜
紅牙白苧轉嬌喉
綠珠碧玉千金價
明月常照廿四橋
仙人騎鶴雲端招
雷塘五月荷花滿
隋苑柳絮三春飄
繁華美景看不足
居民只愛平山麓
歐陽太守播芳名

秋更有何人續開國
相傳三十年風流寂寞總可憐
文選樓廢飛空靄
仲舒宅閉鎖冷烟
除書喜見高賢德
廣陵山水生顏色
中原文獻舊典型
才名嘖嘖喧南北
詩成真使鬼神懼
筆落疑是蛟龍赴
元禮之門盡願登
不嫌坐客多衣布
汝輩猶傳口碑聲
朱轡又指江淮行
江淮七歲天吳虐
清水隄決波濤驚
飛鴻遍野哀何極
使君雨露隨車滴
遙知竹馬兒童迎
一到福星臨澤國兼隱

齊詩

顧嗣立送許舍人歸揚州
時舍人年三十曾共揚州杜牧之
紫微宅畔日吟詩
二分明月猶清景
十里珠簾想舊時
夜

漏黃扉判事早朝雲繡閣畫樓遲舍人樣好方三十北
似潘郎鬢未絲

雙井書屋集

徐昂發揚州三首木鷺沉處錦帆斜隋氏離宮接暮霞
辱并有魂翻玉樹仙都無夢餉金蛇裙縑禹穴千年繭
鏡湧迷樓萬朶花莫向吳公臺上望江南江北總無家
四鎮功名歎忽淪延和高閣醮仙真思驂鶴響收風
實細舞霞裳蹋月輪院裏吹簫奏駙馬塔前說劍聶夫
人可憐鷓子翻成後子女兵符不救身 欄檻層層俯
薜蘿文章太守昔經過花爭幕下紅粧艷山借江南翠
黛多酒拍玉船添畫燭香籠繡毯試蠻鞞春風楊柳垂

垂絳腸斷蘇公一曲歌

乙未亭詩集

許田揚州感舊廣陵風景昔繁華近水層樓繡幕遮隋
苑螢飛還傍月蕪城柳暗只藏鴉冶遊士女臨芳徑勝
日烟花滿狹邪好覓酒壚銷旅况不知誰唱美人車

對床集

繆沅秋日廣陵雜興二首遙山幾點如潑墨螺髻碧玉
交相圍定攜蓑笠造紅頂孤鶴傲岸誰能鞿 滄浪亭
子堆蒼苔秋花零落千叢開倚西草堂昨夜雨更有何
人問菊來

江左十五子詩集

宮鴻厯次商邱公秋日廣陵雜興四首簾捲春風憶昔

年青樓薄倖杜樊川揚州鏡子盤龍樣欲鬪銀濤碧月
圓連墻野竹滿庭苔六纛門前逐曉開不用材官陳
導騎東鄰探看此君來 鱸聲鴉軋並溪聞灣口新河
燕尾分打轉船頭望歸路淮流脈脈雨紛紛 南臺九
口且乘閒謝客新篇未許刪江上青樓何處所寄奴村
落戴顛山 同上

郭元針奉和商邱大中丞廣陵雜興三首檐聲送到催
詩雨野色營城命酒天笋脯橘乾隨意酌筆牀茶竈自
牽船 秋城如練水如苔沙鳥汀鷗日日來九月淮南
有佳處蟹螯肥足酒無灰 老雨欺秋入夜分竹墻松

院益紛紛荒涼逆旅三間月漱灑床頭一瓊雲

一鶴詩集

覺羅文昭題茱萸灣曉秋圖二首胸中筆底兩無塵定
有詩篇白雪新畫裡黃灣認秋色荷花如笑柳如顰

松園高秀

程嘉

青溪

程正

古二老南宗筆墨殊六十餘

年風雅盡眼前今見曉秋圖

古瓶集

管掄邗江龍舟詞四首珠簾畫舫碧波紋杏子花衫薄
似雲艾鬢巧成蘭葉髻榴風颺起藕絲裙 御柳迎風
細似絲錦帆銜尾騫波時傷心斜日雷塘路猶把當年
水調吹 日落征帆沒遠坡暖風如醉撲香莎玉簫齊
唱江南曲碎雨零烟葬阿麼 心情老去不堪持長日

歸帆譜竹枝紅板橋頭明月夜一杯還醉杜分司江左

子詩

王式丹送唐次衣暫還廣陵花發蕃釐白玉枝何郎霧夕最能詩三書光範窮途憾一賦凌雲

聖主知燕市風烟醒客夢揚州櫻筍羨歸期挂帆曾唱

江南弄遲爾高秋對酒卮

忍冬齋集

張茂稷江都懷古江北江南江路悠江都地接大江頭
繁華有盡山川在雲水無心日夜流莫恨頻年成戰國
當時寸土亦迷樓至今鴉叫楊花白猶爲雷塘釵釧愁

步云圖
近詩

丁煒維揚秋泊廣陵夜色入秋寒朔雁南飛楓樹丹獨
有關門明月在澄江楚練耐人看問山詩集

程式莊揚州午日龍舟詞鴨綠新波鏡面開小腔鼉鼓
濕輕雷朱舫十里香生笑恨不親牽殿脚來 石榴裙
醮波紋碧艾葉旛侵鬢朶欹不見垂髻人後至日斜腸

斷杜分司

紅葉書莊詩

魏嘉宛吳園春集東風池上漸波瀾閣閣鷗聲聽浴湍
雪未全消留印屐芹纔曉摘試登盤斷紅人帶春遊色
陣墨鷗衝烟破論今日夜城蕭鼓溢肯分燈火照歸鞍

國朝
詩的

殷譽慶邵伯夜歸暝色亂晴空炊烟處處同水搖雙槳
月岸轉一旗風沙鳥數叢白漁燈幾點紅香醪沾正美

歸棹莫匆匆

菰蘆集

許迎年偶題畫舫輕搖帶晚潮月明樓外聽吹簫繁華
莫問當年事腸斷春風廿四橋

國朝詩的

吳嶽訪二十四橋當年小杜揚州夢十里春風已寂寥
好句難忘明月夜幽懷偏憶玉人簫鶯花天遣成南國
歌舞人徒怨六朝二十四橋何處是竹西燈火亂漁樵

上同

杜詔隋隄曲隋隄一帶官河口不種桑麻種楊柳錦帆

帝子數巡遊厭住京華樂奔走將兵西域再征遼呼韓
嵇顛諸蕃朝江都宮院伺顏色翡翠玻璃姿雕飾水晶
殿揭珠簾開香風吹送飛仙來凭肩笑語能幾回夢遊
恍惚吳公臺吳公臺下雷塘路野土茫茫亂烟樹傷心
爲弔玉鈎斜柳色昏黃不知處

黃八儀通詩

閨秀朱中楣歲杪苔梅君維揚久閱鄉關未忍離霏霏
應值別家時梅開芳信書憑早夢繞江干月上遲影澤
喜裁歸去賦蕪城愁和寄來詩新荔正熟思君獨賞坐
深宵且課兒

陳氏珮將歸揚州呈兩大人高堂鍾愛勝男兒生小閨

中到處隨頓使離家事始舅忍教拔地謝嚴慈過庭曾
習桃夭詠往送難忘敬戒辭只恐淇泉勞遠夢盍親何
日慰相思 閨房集

詞

唐韋莊河傳一闋何處烟雨隋隄春暮柳色葱籠畫曉
金縷翠旗高颭香風水光融 青娥殿脚春妝媚輕雲
裏綽約司花妓江都宮闕清淮月映迷樓古今愁 浣花集
五代毛文錫柳含烟一闋隨隋柳汴河春夾岸綠陰千
里龍舟鳳舸木蘭香錦帆張 因夢江南春景好一路
流蘇羽葆笙歌未盡起橫流鎖春愁 花間集

宋蘇軾浣溪紗

揚州賞芍藥櫻桃

芍藥櫻桃兩闋新名園高會

送芳辰洛陽初夏廣陵春

紅玉半開菩薩面丹砂濃

點柳枝脣尊前還有箇中人

東坡詞

前人虞美人

與秦少游蘇軾別

波聲拍枕長淮曉隙月窺人小

無情汴水自東流只載一船離恨向西州 竹溪花浦

會同醉酒味多於泪誰教風鑑在塵埃醞造一場煩惱

送人來

同上

前人臨江仙一闋尊酒何人懷李白草堂指遙江東珠
簾十里捲香風花開花又謝離恨幾千重 輕舸渡江
連夜到一時驚笑衰容語音猶自帶吳儂夜闌相對處

依舊夢魂中

同上

前人江城子一闕黑雲施雨過西樓水東流晚烟收柳
外殘陽回照動簾鈎今夜巫山真箇少花未落酒新筩
美人微笑轉星眸月華羞捧金甌歌扇榮風吹散一
春愁試問江南諸伴侶誰似我醉揚州

同上

秦觀夢揚州

本意

晚雲收正柳塘烟雨初休燕子未歸惻

惻輕寒如秋小闌干外東風軟透繡幃花密香稠江南
遠人何處鷓鴣啼破春愁長記曾陪燕遊酬妙舞清

歌麗錦纏頭殢酒困花十載因誰淹畱醉鞭拂面歸來

晚望翠樓簾捲金鈎佳會阻離情正亂頻夢揚州

淮海集

前人望海潮

廣陵懷古

星分牛斗疆連淮海揚州萬井提封

花發路香鶯啼人起珠簾十里春風豪傑氣如虹曳照

春金紫飛蓋相從巷入垂楊畫橋南北翠烟中追思

故國繁雄有迷樓挂斗月觀橫空紋錦製帆明珠濺雨

重盃論爵馬魚龍往事逐孤鴻但亂雲流水縈帶離宮

最好揮豪萬字一飲拚千鐘

同上

前人長相思

揚州懷古

鐵甕城高金山渡濶千雲十里層樓

開樽待月掩箔披風依然燈火揚州綺陌南頭記歌名

宛轉鄉號溫柔曲檻俯清流想花陰誰繫蘭州念淒

絕秦絃感深荆賦相望幾許凝愁勤勤裁尺素奈雙魚

難渡瓜洲曉鏡堪羞潘鬢點吳霜漸稠幸子飛鴛鴦未
老綢繆同上

前人滿庭芳一闋晚色雲開春隨人意驟雨方過晴晴
高臺芳樹飛燕蹴紅英舞困榆錢自落蹇踈外綠水橋
平東風裏朱門映柳低按小秦箏多情行樂處珠鈿

翠蓋玉轡紅纓漸洒空金盃花困蓬瀛荳蔻梢頭舊恨
十年夢屈指堪驚凭闌久疎烟澹日寂寞下蕪城同上

晁補之江神子

廣陵送王左丞起闕

舊山鉛槧倦棲遲叩宸闈向

淮圻五馬行春初喜後車隨太守風流客客醉花壓帽
酒淋衣隋宮烟水草萋萋菊花時動旌旗起舞留公

且住慰相思王粲詩成何處寄人北去雁南飛

琴趣外篇

前人虞美人

廣陵留別

江南載酒平生事遊宦如萍寄蓬山

歸路傍銀臺還是揚州一夢却驚回年年后土春來
早不負金樽倒明年珠履賞春時應寄瓊花一朶慰相

思同上

前人浣溪紗

廣陵被召留別

悵飲都門春浪驚東風身與白鷗

輕淮山一點眼初明誰使夢回蘭芷國却將春去鳳

凰城檣烏風轉不勝情

同上

前人西平樂

廣陵送王資政正仲起闕

鳳詔傳來絳闕當軸思賢輔

淮海甘棠惠化霖雨商巖吉夢熊虎周郊舊卜千秋盛

際催促朝天歸去動離緒 空眷戀難留任新植雙亭
臨水風月佳名未覩準擬金樽時舉况樂府風流一部
妍歌舞縈雪回雲親教與恨難訴爭欲攀轅借住功成
繡袞重與江山作主 同上

前人八聲甘州

揚州次韻和東坡錢塘作

謂東坡未老賦歸來天未

遣公歸向西湖兩處秋波一種飛靄澄輝又擁竹西歌
吹僧老木蘭非一笑千秋事浮世危機 莫倚平山闌
檻是醉翁飲處江雨霏霏送孤鴻揮手相接眼中稀念
平生相從江海任飄蓬不遣此心違登臨事更何須惜
吹帽淋衣 同上

前人驀山溪

和王定國朝憶散廣陵

揚州全盛往事今何處帆錦

兩明珠宵蓄薇月中嬉語朱衣白面公子似神仙登雲
嶼臨烟渚狂醉成懷古 蘭舟歸後誰與春為主吟笑
我重來倚瓊花東風日暮吳霜點鬢流落共天涯竹西
路高陽侶魂夢應相遇 同上

曾覲朝中措

維揚感懷

雕車南陌碾香塵一夢尙如新回首

舊遊何在柳烟花霧迷春 如今霜鬢愁停短棹嬾傍
清樽二十四橋風月等思只有銷魂 海野詞

呂濱老思佳客一闋曾醉揚州十里樓竹西歌吹至今
愁燕脚柳絮春心遠魚入晴江水自流 情渺渺夢悠

悠悠尋羅帶認銀鈎挂帆欲伴漁人去只恐桃花悞客
舟聖求詞

蔡伸菩薩蠻

廣陵感事

水光山影浮空碧柳絲搖曳春無力

柳岸繫行舟吹簫憶舊遊

舊遊堪更憶望斷迷南北

千古恨悠悠長江空自流

友古詞

賀鑄太平時一闋秋盡江南葉未凋晚雲高青山隱隱

水迢迢接亭臯二十四橋明月夜弭蘭橈玉人何處

教吹簫可憐宵

東山樂府

戴復古錦帳春

淮東陳是舉清明奉母夫人遊徐山翁菴

處處逢花家家插

柳政寒食清明時候奉版輿行樂使星隨後人間稀有

出郭尋仙繡衣春畫馬上列兩行紅袖對韶華一笑

勸太君酒百千長壽

石屏詞

張榘賀新郎

次州逸劉直維揚客中韻

襟度天爲侶價平生放浪

江湖浮雲行住倒挽峽流歸筆底衮衮二並四具何尙

友滄波鷗鷺藻黻皇猷君能事况賢書兩度登天府急

著手佐明主晴風一舸來瓜步剪燈花樽酒論詩頓

忘羈旅逼曉蠻牋傳金縷一片瑰詞綺語甚獨蠶抽成

長緒當代壑翁文章伯定不教彈鋏輕辭去留共濟孤

舟渡

世云憲詞

辛棄疾水調歌頭舟次揚州落日暗塵起邊馬獵清秋漢家

組練十萬列櫓聳層樓誰道投鞭飛渡憶昔鏑鳴血汚
風雨佛狸愁季子正年少匹馬黑貂裘 今老矣搔白
首過揚州倦遊欲去江上手種橘千頭二客東南名勝
萬卷詩書事業嘗試與君謀莫射南山虎直覓富平侯

稼軒長
短句

趙希邁入聲甘州竹西寒雲飛萬里一番秋一番增離
懷向隋隄躍馬前時柳色今度蒿萊錦纜殘香在否枉
被白鷗猜千古揚州夢一覺庭槐 歌吹竹西難問拚
菊邊醉著吟寄天涯指紅樓蹤跡茅屋染蒼苔幾傷心
橋東片月趁夜潮流恨入秦淮潮回處引西風恨又渡

江來

西里稿

吳潛念奴嬌

寄趙南仲

半空樓閣把江山圖畫一時收拾白

鳥孤飛飛盡處最好暮天秋碧萬里西風百年人事漫

倚闌干拍凝眸何許揚州烟樹歷歷 應念老子年來

浮名浮利已作虛空擲三逕才尋歸活計又是飄零爲

客回首平生驚心雙鬢容易成悽惻尊前一笑且由醉

帽欹側

履齋詩

姜夔揚州慢

丙申至日過揚州

淮左名都竹西佳處解鞍少駐

初程過春風十里盡薺麥青青自胡馬窺江去後廢池

喬木猶厭言兵漸黃昏清角吹寒都在空城 杜郎俊

賞莫如今重到須驚縱豈惹詞工青樓夢好難賦深情
二十四橋仍在波心蕩冷月無聲念橋邊紅藥年年知
爲誰生白石詞

劉克莊清平樂

頃在維揚陳師文素
議家舞姬絕妙賦此

宮腰束素只怕能

輕舉好築避風臺護取莫遣驚鴻飛去

一團香玉溫

柔笑顰俱有風流貪與蕭郎眉語不知舞錯伊州

後村別調

前人沁園春

維揚作

遼陽重來不見繁華只見凋殘甚都

無人誦何郎詩句也無人報書記平安閨里俱非江山

畧是縱有高樓莫倚闌沉吟處但螢飛草際雁起蘆間

不辭霜宿風餐怕萬里歸來雙鬢斑算這邊贏得黑

貂裘敝那邊輸了翡翠衾寒檄草流傳吟牋倚閣開到

瓊花亦嬾看君記取向中州差樂塞地無歡

同上

葛鄰玉蝴蝶

和維揚晁侍
郎寄強伯

憶昔苕溪慣弄五月笛四水

烟蓑何事毘檀門外馬駐長坡野花中亂紅杏靄小橋

外疊翠嵯峨且顏酡但存長袖舞到婆娑云何在車

笠盟人政春行五馬月皎干波羸聽實僚聽隔牆無事

高歌悵烟寒瑞麟墮簾霧細寶鴨香多試蹉跎一枰落

日又送樵柯

信齋詞

方岳風流子

和楚客維揚
揚燈夕

小樓簾不捲花正鬧燈火競元

宵舊日何郎飛金叵羅三生杜牧醉董嬌嬈香塵路雲

松鬢髻月襯馬蹄驕彷彿神仙劉安雞犬分明富貴子
晉笙簫 人生行樂爾君不見迷樓春綠迢迢二十四
經行處舊月今橋但索笑梅花酒消新雪縱情詩草筆
捲春潮俛仰人間陳跡莫惜金貂花草粹編
汪元量六州歌頭 綠蕪城上懷古恨依依淮山碎江
波逝昔人非今人悲惆悵隋天子錦帆裏環珠履叢香
綺展旌旗盪漣漪擊鼓搥金擁瓊瑤玉吹姿意遊嬉斜
日暉暉亂鶯啼 銷魂此際君臣醉貔貅弊事如飛山
河墜烟塵起風淒淒雨霏霏草木皆成泪家國棄竟忘
歸笙歌地歡娛地盡荒畦惟有當時皓月依然挂楊柳

青枝聽隄邊漁叟一笛醉中吹興廢誰知

湖山類稿

周密踏莎行

與莫兩山談
邢城舊事

遠草情鐘孤花韻勝一樓聳

翠生秋暝十年二十四橋春轉頭明月簫聲冷 賦藥

才高題瓊語俊蒸香壓酒芙蓉頂景留人去怕思量桂

窗風露秋眠醒

賈洲漁笛譜

元張翥水龍吟

廣陵送客
賦蓼花

芙蓉老去妝殘露華滴盡珠

盤泪水天瀟灑秋容冷淡憑誰點綴瘦葦黃邊疎蘋白
外滿汀烟穗把餘妍分與西風染就猶堪愛紅芳媚
幾度臨流送遠向花前偏驚客意船隄雨後數枝低入
香零粉碎不見當年秦淮花月竹西歌吹但此時此處

叢叢滿眼伴離人醉蛻宥詞

前人春從天上來廣陵東行和松雲子嫋嫋秋風聽響徹雲間彩

鳳啼雄羸女飛下玉佩玲瓏腸斷十二樓空渺霜天如

海寫不盡楚客情濃燭銷紅更將金振羽變徵移宮

揚州舊時月色歎水調如今離唱誰工露葉殘蛾蟾花

遺粉寂寞瓊樹香中問坡仙何處滄海上夢想無蹤思

難窮把一襟幽怨吹與魚龍同上

前人沁春園廣陵九日泛舟何許登臨路遠蕪城岡連楚阜愛

流雲低響歌催瓊樹微波照影人艷仙桃松院移尊柳

橋攜袖隨處蘭舟且暫捐秋無際望空江雁遠落木天

高不妨左手持螯把右手金尊送濁醪歎雞臺草暗

淒然興廢龍山烟冷老矣英豪白髮豈饒黃花儘揵要

裏西風破帽飄劉郎醉把吳牋笑擘試與題餽同上

前人金縷詞送張季培還廣陵西水湖邊路看依然水光山色

自宜晴雨天上歸來重載酒惟有舊盟鷗鷺笑鬢影星

星如許公子華筵涼似水更綠鬢歌金縷留晚醉看

眉嫵三生書記真豪舉把平生香奩軟語錦囊佳句

君到淮南明月夜為問崔娘安否翻作錦箏新譜只恐

驚鴻窗外起趁行雲直過滄江去飛不到斷腸處同上

前人聲聲慢揚州箏工以虞學士詞求賦金鑾學士天上歸來蘭舟

小駐蕪城供奉新詞幾度慣賦鳴箏相逢沈郎絕藝為
尊前細寫餘情問何似秦關雁度楚樹蟬鳴 我亦從
來多感但登山臨水慷慨愁生一曲哀彈只遣髯變魂
驚行期買花載酒趁秋高月朗風清須盡醉聽江頭腸
斷數聲同上

前人風入松廣陵元夜病中有感東風巷陌暮寒驕燈火闌河橋

勝遊憶遍錢塘夜青鸞遠信斷難招蕙草情隨雪盡梨

花夢與雲消 客懷先自病無聊綠酒負金蕉下帷獨

寢春城外玉漏聲遙可惜滿階明月更無人為吹簫同上

張野木蘭花送君仁之准南轉運使任羨秋空一鶚便得意脫塵鞮

有道義高情經綸大手每事優遊中朝共推雅望問如
何不肯少遲留蓮幕三年帝里白雲幾夢揚州 威名
久矣播湖頭地上看錢流喜鞭算之餘瓊花未老萱草
忘憂依依送君南去笑竿頭戲技幾時收寄語西樓雙
鶴春風來迓吾舟右山樂府

白樸水龍吟淮揚途中短亭休唱揚關柳絲惹盡行人怨

鴛鴦雙影枯荷蒂淡沙寒水淺紅綬雙銜玉簪中斷苦

難留戀更黃花細雨征鞍催上青衫泪一時濺 回首

孤城不見黯秋空去鴻如線情緣未了誰教重賦春風

人面鬪草閒亭采香幽徑舊曾行徧謾今宵酒醒無言

有恨恨天涯遠歷代詞選

倪瓚柳稍青贈妓小樓上玉笙吹徹白露冷飛璫珮玦

眉黛含顰香殘棲夢子規啼月揚州往事荒涼有多

少愁縈思結燕語空梁鷗盟寒渚畫闌飄雪雲林樂府

劉明炳春草碧蕪城懷古平山堂東風何處海棠春瓊花月

橋上十里珠簾金釵翠袖歌聲徹醉倒玉人扶銀燭揭

莫問舊日江山幾多離別却憶錦帆遊迷宮闕回首

故苑繁華五陵豪氣都消滅斷柳鎖寒烟潮聲咽春南

馬洪蝶戀花送孫道甫西子湖邊春浩渺翠入平山綠

染汀洲草檀板銀箏歌窈窕烟花如霧樓臺曉我意

留君君笑倒揚州不比杭州好只是離多合會少相思
容易朱顏老花影集

國朝曹溶燭影搖紅揚州已未正月十四夜江左名宵六街化作流

蘇結讓他燈影仁分明最愛朦朧月攪動閒愁不歇遍

相逢鬧花驚蝶裁紈扇小塗粉車輕陳隋時節冷落

紅橋頓看簫管吹教熱肯嫌芳藥未開圍火樹層層葉

今夜何人報帖記三生杜郎會說曲殘簾下酒醒樓頭

尚在春怯靜陽堂詞

前人攤破浣紗溪廣陵飲李太虛寓中出家姬作劇紅橋舊日深情地

一片玉簫吹畫蛾青斂着人多處不在歌時教師催

出齊登繡毯擺落遊絲曲終簾捲堂前黃月占斷相思

上同

彭桂望江南一闕江都恨舊事說隋朝錦攬紅穿花殿

脚羅裙綠剪柳官腰齊上月明橋今荒塚塵土鈿香

消螢苑風涼山火細龍舟潮落弩臺高不見杏娘簫

集

毛奇齡虞美人廣陵李宗伯蕪城新曲勾欄淺覆地璣

瑜軟小蠻金管雪兒箏二十四橋明月照人醒三朝

不作銜書鳳但舞江南弄曉風散去彩雲愁可是竹西

歌吹舊揚州毛翰林集

彭孫遜菩薩蠻除夕阮亭廣陵署中守歲時序關心殘臘盡同雲

劈雨寒猶緊小暖逼爐烟江春入舊年芳乃傳綺席

好事過除夕香雪動園梅春回人未回孫華集

朱彝尊清平樂維揚春暮集唐春融艷艷韓偓燕外晴絲卷

杜甫回首夕嵐山翠遠李仲芳草落花無限邱丹比來

寒食鮑防風臺水榭逶迤鄭槩揚子津頭月下白居易

易遊人處處歸隨陳元初曠書亭集

前人長相思紅橋尋歌者沈西石橋西板橋西遙指平山日未

西舟來蓮葉西人東西水東西十里歌聲起竹西西

施更在西同上

前人蝶戀花揚州早春十里雷塘歌吹遠柳巷人家蘸水鶯

黃淺遊子春衣都未換鈿車早已東城徧 枚冷罷遮

蟬雀扇最恨微風不放珠簾卷斜露翠娥剛半面心飛

玉燕釵頭顫同上

沈岸登和前調是處梅花香近遠點點苔枝漏泄春光

淺歎息年華看又換踏歌聲裏揚州徧 睡起雲屏山

六扇羅帳無人一任東風卷細馬馱來嬌滿面凭闌小

語聽猶顫

前人永遇樂揚州除夕何事飄零天涯除夕幾度羈旅

今夜邗江去年燕市客泪雙垂縷銀燈初卸金壺頻咽

不寐更籌閒數更誰聽揚州歌吹撥火寒爐無語 淒

涼東閣官梅初發對酒看人兒女三十年來鏡中綠鬢

都被儒冠誤清溪白屋團圞兄弟夢裏分明曾去正相

思關山南北夜闌疎雨

陳維崧揚州慢送史遠菴十里珠簾半城畫艇百年花

月維揚有君家丞相梅嶺舊祠堂每年到清明賽社傾

城士女愁弄壺觴只無情隄柳舞腰還鬪宮妝 遍舟

上塚聽隣船重話興亡奈石馬嘶風銀蠶弔月往跡全

荒我亦當年薄倖曾吹過一帽紅香問桃花認否風前

前度劉郎

李符揚州慢

廣陵驛舍對月遇
山左調兵南下

老柳梳烟寒蘆載雪江

城物候秋深怨金河叫雁斷續和踈砧記前度邗溝繫
纜衫又破愁到如今悵無眠伴我淒涼月在橋陰竹
西歌吹甚聽來都換箏音料鎖篋攜香籠燈照馬翠館
難尋淮海風流秦七今宵在夢更傷心有燕西屯處明
朝莫去登臨

吳棠正踏莎行

廣陵古

瓜步潮飛蒜山雲疊一帆遠挂江

門雪青樓燈火照揚州花開醉酒香塵滅鳳船歌空
龍車香歇蕪城草綠飛蝴蝶隋家楊柳泣黃昏玉簫留
下紅橋月

羅華集

沈謙沁園春

寄贈王揚
州二首

不斷長江錦雪翻雲日夜東流

怪萬里烟花終沉五劍二分明月先照隋鈎郡縣勞人
文章絕世斗大如何困一州偏豪邁在詞中拜爵醉裡
封侯瓊花寄我難酬奈小滿蕪城夜色浮道執卷跨
牛其中有樂腰錢騎鶴此外何求素札空傳玉簫誰教
泛泛還同沙際鷗虛名悞但濃斟玉液暖被貂裘羨
爾高情濯足淮河振衣蜀岡便眺覽烟雲何妨薄宦沉
酣典籍不愧清狂駿馬穿花佳人雪藕摘偏朱荷水一
方新歌奏早聲傳北里色豔東皇墨痕錦袖琳瑯但
長望星橋有報章任歲月驅馳宮中磨蝎風塵黯黯路

上亡羊一日不齊百年渾醉攜手頻移翰墨場休回首
縱蘭陵酒美何處吾鄉

鮑鼎銓滿庭芳

廣陵懷古

三月烟花滿城歌吹繁華長記揚

州錦帆天子千古獨風流最愛遊傳清夜江南好柳纜

龍坊消沉久斷碑殘碣何處覓丹邱 迷樓橫暮雨玉

勾斜畔碧水空愁只平山堂下憑弔夷猶二十四橋仍

在汀洲靜眠穩沙鷗經行處斜陽芳草妝點廣陵秋

葉藩奴

念嬌廣陵送毛亦

萍踪勿聚恠旗亭貰酒相逢

還別點染楓林青嶂外漸過小春時節雁陣橫空孤帆

南渡潮滿江聲濶揚州自遠石城多少明月 遙想訪

舊秦淮久辭歌管剩有波千折繡幕珠簾寒不捲總被
暮笳吹徹欲問遺宮層層衰草誰向遊人說白雲梯在
著鞭應上天闕

王式丹望江南

揚州樂十曲

揚州樂佳節正元宵千市花燈

侵夜月兩城簫鼓拂春潮遊賞徹來朝 揚州樂春色

偏三山傍寺杏花遊女摘沿隄楊柳人醉攀綵鷁不曾

聞 揚州樂踏草是清明隴上開裊旋命酒林邊駐馬

正聞鶯晴靄玉鈎橫 揚州樂婪尾牡丹開有暇共籌

沽酒地無人不爲看花來清翠繞重臺 揚州樂重午

鬪龍舟畫鼓爭搥衝水面繡旗低颺轉船頭濤隱廣陵

浮揚州樂消夏看荷花十里薰風迷白舫一灣流水
襯紅霞暄晚夕陽斜揚州樂郊野染秋容淡日輕烟
籬落畔嫣紅淺綠畫圖中蠻榼數過從揚州樂清夜
賞中秋棹度紅橋燈射岸觴飛金谷月當樓處處轉歌
幽揚州樂秋老近重陽雲擁蜀岡霜欲墮樹圍梅嶺
葉初黃對酒晚籬香揚州樂寒色滿平山檻外烟銷
千嶺出溪頭風定一舟還長嘯動江關龍竿集 原上

續志詩

邵伯埭下寄高郵陳郎中

宋徐鉉

故人相別動經年候館相逢倍慘然顧我飲水難輟棹

感君扶病爲開筵河灣水淺翹愁鷺柳岸風微噪莫蟬
欲識酒醒魂斷處謝公祠畔客亭前

登揚州孝先寺佛閣

趙湘

勝寺登危閣凭欄卽近鵬無雲生北固看日下南朝水
落吳山迥天晴楚水遙從容萬慮息自喜赴僧招

呂吉甫第乃謝鎮西故居中閒嘗爲佛刹而雙檜則舊
物也劉夢得有詩因賦其韻

李之儀

故國悲涼古木奇勢分庭下蔚相差霜根半露出林虎
畫影全舒破賊旗寶界曾迴鋪地色節旄還映插雲枝
劉郎風韻知誰敵儒帥端能表異時

遊大明寺

宋庠

總轡出西垞寥寥旭宇明叢岡森地秀飛塔恍神行惠
 味霑仙露疲心識化成遠香來不斷空梵過猶清坐惜
 忘機晚居慙縹緲組榮撫懷今古恨高世友僚情顧慕羣
 芳歇徘徊極野平低雲參駐蓋寒木隱前旌風轉松添
 韻霜餘菊挫英碧垂天勢匝紅上日華輕壘廢磨磨樂
 池荒雁鷺鳴宮垣除瀆國傷吳故宮在此臺址畏軒兵建隆行闕據其
 內勝踐欣同適沈憂悔自嬰理融無物我神照罷將迎
 絢藻春供麗投珍佩合聲莫唾三歎拙聊謝兩心傾

建隆寺北池亭

宋庠

寶刹開初地滄浪繞故城
 芰蓮俱野色鳧鴈各秋聲
 岸澗烟無著窓虛日易明
 歸驂誰訝久正爲濯塵纓
 朝謁建隆寺

郡國高皇廟天龍釋帝居
 兵銷擒布後臺聳畏軒餘
 寶榻成蓮座寺中有當我韜入貝書
 守臣榮就望屏息拜
 前除

揚州雍熙寺納涼

呂本中

高樓有餘涼但見旗脚動
 鳥語檐角來仰聽風響弄
 江山舊還往草木老質從
 平生一笑適可得萬鈞重
 翛然六尺牀更許佳月共

增補古詩集卷二十一
山光寺前泊舟值雨

呂本中

輕雷喚小雨憶在白沙時綠酒留連醉紅燈取次詩好
風那復有涼月自相隨獨上山光寺清歌無柳枝

維揚萬花園

趙制使經理

宋伯仁

細柳營基鎖綠苔萬花新種小亭臺芙蓉喜見江南客
故向西風一夜開

揚州騎鶴樓

醉倚闌干獨默然淮南不比數年前只宜跨鶴翩然去
休說腰纏十萬錢

后土廟

陳先平

塵擁妝臺翡翠翹瓊花開盡玉魂銷崑崙山上天風落
二十四橋吹洞簫

登蕪城古臺

無處堪高望城邊上古臺窮秋人獨立落日雁空回地
險千峯出霜嚴萬木摧遲吟不能下滿眼是塵埃

海陵之堡城

毛珣

四面蒹葭水接天中間一片是人烟相逢盡喜干戈息
白鷺飛來立戰船

傍城三十里芙蓉怪底繁華浙景無元是近邊農事少
全憑蓮藕當官租

增修古真集 卷二十一
邊聲籍籍蚤秋風稻米黃時棗又紅莫厭水鄉遷避苦
全家載入綠河中

國寶照磨有平野軒在揚州城郭中今寓吳十計年矣
至正丙午九月十一日在開元寺爲寫此圖並詩以

贈

元倪瓚

雪筠霜木影差差平野風烟望遠時回首十年吳苑夢
揚州依約鬢成絲

明月樓

舒頔

昔年明月照盈盈今日樓空月自明銀甲錦箏歌舞地
寒鴉落日澹孤城

皆春樓

樓前景物逐時新樓上笙歌日日春華麗已隨時節換

東風吹恨柳眉顰

嘉會樓

壯年登覽醉歌日况是太平全盛時燕子銜將春色去
畫欄寬處樹旌旗

平山堂

平山堂上構高堂堂下青蕪接大荒堂廢山空人不見
冷雲秋草臥橫岡

蕃釐觀

天上奇花玉色浮，祇留一種在揚州。如今后土無根蒂，蜂蝶紛紛各自愁。

太平橋

青樓翠幙舞纖腰，金屋銀屏有阿嬌。二十年前豪俠客，相逢猶是說前朝。

按此係維揚十咏之六，惜其四未見。

廣陵岳宮醮，夜觀王澹園。高士戴事自登瀛，橋迎師入

黃錄壇

成廷珪

濛濛雲氣濕霓旌，小隊紅綃鳳蠟明。鸞鶴舞隨行道影，魚龍出聽步虛聲。淮南高士青毛節，句曲仙人碧玉笙。

一路天氣吹不斷，此身今夕在蓬瀛。

邱克莊敞雲樓

成廷珪

君家樓外雲如海，五色輪囷掃不開。每就月明簷下宿，更隨秋色座中來。瓊臺夜鶴迷蹤迹，玉女春衣費剪裁。看汝乘將一作爾朝帝所，舉頭西北是蓬萊。

題崔原亨竹深處，余家有竹數竿，人號之居竹軒。原亨城西時，則有竹亦數竿，人號之竹深處。余與崔君通家來往，所好相同，故及之。

成廷珪

居竹軒中也，自寬不愁無地著。琅玕文公胸，次空干畝。李洞門前只一竿，天與老夫醫惡俗。日愚童子報平安。

崔家別墅尤高致遲子歸來守歲寒

題畫史王夢麟卷

成廷珪

老翁窮居廣陵市四壁蕭然祇圖史題詩不博一文錢
枯瓦磨窮空費紙不如鄉里諸妙年翰墨遊戲王公前
解衣盤礴作山水一幅何惜千金捐何人最得滄洲趣
麟也于今稱獨步狂吟寄興肯相過畫我東橋竹居處

王伯純讀書別墅晨起有懷縱筆奉寄

明張呂甯

伯純河東人寓居揚州有別墅近邵伯鎮常讀書于
彼輕財好客誼侔古人且才甚高長于詩後領河東

鄉薦

數日有所思作詩無好趣思君讀書芳桂林睡起題詩
有新句謝公埭上棟花風密葉啼鶯綠如霧君如塵外
鶴我似書中蠹人生知己海內稀縱有參差不相遇咫
尺思君知幾回遠別懸知亦良苦草亭新竹長昨夜邗
溝雨思君持酒時心逐江潮去明年柳暗金河路君馬
如龍轡如組而今壁上好題詩記取王郎讀書處
梁希鴻廣陵人工古文詞貧不能詣吳門今有金因渡

江見訪得二絕贈之

王世貞

梁生日賦廣陵潮一水吳門天樣遙二十四橋都踏遍
可曾還見伯通橋

揚州白鹽雪滿船揚州白芷白于絲莫將流水輕彈盡
此調那容估客憐

陸無從茂才自揚州來乞文以贈歛人吳惟登得三絕
句與之生高於詩與歐博士楨伯爲廣陵社

金徽玉軫拂塵開流水高山信指裁勿訝新聲移入散
坐中人自廣陵來

維揚詞客盡英髦得句爭誇白雪高一自社中枚叟去

何人八月賦觀濤

謂歐老也

乞將新序向新安一字躊躇下筆難見說龍門饒史筆
教人解作小巫看

葛氏藏書樓歌

朱日藩

中都葛君有道士三世僑居廣陵肆天生妙三用不分
金薤琳琅殺青字漢帝虛遺三篋書邊韶曾稱五經笥
揭來傾蓋邗江邊知我所癖心相憐不辭寶藏出宛炎
更開武庫森戈鋌嘗言心悟法華轉莫使多方惠子偏
墓中威斗豈足辨宮內騶牙空復傳君家世傳稚川學
不獨遠尋勾漏藥聞君購書起樓時飛梁聳出彭城閣
丹砂句讀細磨勘蜀錦裝池恣裁削金樓子內收未備
竹素園中舉還畧輕車重馬四方來秘府靈山一時鑿
樓西住近賈胡宅櫝中什襲來重譯夜夜文光薄斗牛

火齊珊瑚爭敢射乃知真好不悞人世間尤物皆無益
江花漠漠江水陰江上芙蓉千竹林願乘素舸汎秋色
上樓一解囊中琴爲君彈出眾山響滿壁皆成金石音
邵伯驛
陳子龍

迢遞新城甲仗樓胡牀獨坐望神州當年一曲東山伎
明月清淮萬古愁

九日飲方氏園亭

國朝俞森

選勝欣佳會瓊筵倚夕陽花開斜徑晚雁入故宮

近園

迷樓舊趾屬和慚同調銜杯惜異鄉堪憐籬下菊偏照客衣

黃

叔母詩

汪洪度

叔母閔余從叔先明公妻居揚州乙酉夏間警矢死
夫前城陷被掠已出門給掠者家有藏金誘之還大
罵激其怒得截舌裂尸出心肺叔前以死年二十有
三叔被害旋甦越二十年病中追憶往烈流涕屬余
弟爲作傳余爲賦詩

江城遠邇悲笳起徹夜轟轟礮花紫鋒摧刃折馬蹄滑
滿路死人流血水眼看骨與肉頃刻成生難妻前執夫
手矢志淚雙垂紛紛耀霜雪甲刀繞城闔阿誰鞭撻走
士卒少年將主怒衝髮前寒蛾眉青後寨曼睪碧不分

長征我獨棲遂閣深閨恣搜索塞帷忽見紅顏婦言語
喧呼笑張口急擁紅顏出門去復戀黃金入門取黃金
有時毀匹夫志不改枝柯從剪除連理難分株舌去色
猶罵腹剖心不汙饑鳥未敢啄飛鳴集我屋屋底黑雲
滿新鬼結羣哭望夫獨自上泉臺人間離別不須哀他
日相逢有面目我心早向君前暴

按前志列女內未載今從息廬稿中得此詩錄以
補之

鄭懋嘉重修休園招飲卽事

呂履恒

真從谷口憩清幽更識閒情寄日休臥石仰看松影落

憑欄俯聽水聲流喜招散客供縣榻恐有遺文滯選樓
舍近無煩重置驛會逢佳日步來遊

茅司徒廟迎送神辭

厲鶚

廣陵蜀岡平山堂畔有茅司徒廟相傳神五人茅許
蔣祝吳其姓也茅名勝異姓約爲兄弟過谿旁見一
嫗共母事之嫗爲虎食五人奮力殺虎地自是絕虎
患予按南史梁王琳爲陳將吳明徹所殺故吏朱瑒
等請於陳徐陵還其首葬八公山側尋有揚州茅智
勝等五人密送喪柩達於鄴通鑑揚州作壽陽是時
以壽陽爲揚州也琳舉兵平侯景遭時多故問關異

國欲以存梁而卒死於戰五人非親故能送其喪柩
還齊誠義士哉當時江淮間思而祀之隋封司徒廣
陵之廟最著者以宋紹定中有陰殲李全功也母嫗
事近不經驅虎之說或有之韓江雅集同人爲迎送
神詞分得此題因爲辨証如左使事神者有考焉
緇弦兮鼓籠銅飛雨兮江岫東戈彗野兮旗燄空神之
從兮建甯公青林兮望葦火於菟兮弭道左八公山側
兮三臺下雲車未來兮我心苦 斗野平兮烟霧霽仁
連蜷兮夜吹笛殪新塘兮銳頭兕回風颯兮降毅姿福
我氓兮大有昌報之兮昔酒神醉止兮歸無方淮月升

兮明古柳

屠家女

閔 華

屠家小女作小婦不愛春風好花柳頗諳數米與秤薪
日奉大婦獨奉母大婦一夕泣且言我老更嫁非所論
年華十八正如水當求對值爲汝婚小婦低頭不忍應
只自燈前勤織紵明朝大婦向東家已受釵環一雙聘
東家有嫗來始知一哭痛於初嫁時須臾嫗去戶已閉
再拜亡靈從此辭劇憐尺組高懸處空梁卽是黃泉路
貧家姓氏人不聞但識阿師橋畔住

題王海滄藻所輯廣陵倡和錄後

閔 華

三度飄零過此都一篇輯錄費工夫也如河嶽英靈集
不是張爲主客圖大抵好詩在林壑可憐名士滿江湖
慙予十載同酬倡竊恐他人笑濫竽

陸南圻

鍾輝

合刻姜白石詩詞成賦以識之

豐城埋劍氣合浦交珠光神物有呵護會合非尋常
緬昔日石翁布衣家番陽馳聲公卿間稅駕山水鄉清詩
琢冰雪秀逸超尤揚才人有仙語美女無研粧特工長
短句含宮而咀商宋樂見雅奏越俗騰歌章異代少繼
響俎豆尊詞場詩歌凡六卷或存而或亡秀水朱檢討
考據稱精詳太息不得見欲輯徒茫茫詎知物久晦益

用人彌彰邇聞有善本始自南村藏傳鈔已南北鋟者

多罹殃

鹽官張氏既刊以事中廢
松陵汪氏欲繼之亦不果

南圻好古士得此喜

欲狂去取辨真僞字畫推備旁整頓付黎棗校對勤丹

黃樓版既已竟印訂成端良傳觀悅四座彷彿聞鏗鏘

初疑小紅唱月底簫聲颺又疑七絃操流水松風涼古

人雖已杳風流猶可望公平厄生前泛越仍浮湘身世

成贅婿官職惟齋郎卻於交友際往往生慨慷豈識六

百載有客蒸瓣香遺編爲緝綴不啻平生張從茲是完

璧永永垂縹緲臨風試一誦百丈生光芒

移居黃子湖新賃茅屋

吳寅

一亭偃蹇寄乾坤斗室何辭費討論椽蓴香茅搜鼠婦
籬編新竹護鷄絲不妨杜甫愁吹屋却被劉伶笑入禪
戶外烟波渺何處滿湖風月一江村

聞揚州新濬城濠寄故園兄弟

方 覲

聞說城濠水今通揚子津湖平栽藥圃花罨釣魚綸畫
舫春波濶紅橋夜月新簫聲隔楊柳誰與醉芳醕

早夏憶維揚風物寄同會諸酒人四首 蔣繼軾

菱芽出水荻苗齊
璧社湖連邵伯堤
正是揚州春盡日
流鶯曉過竹西林

落花風細柳吹絲
夢裏紅橋載酒船
鴨綠牛篙新雨後

鈎簾人詠點溪錢

有名芍藥趁花移
翠筍朱櫻上市時
春酒中人思解渴
綠陰深院試槍旗

揚子橋邊新漲生
焦公山下早潮平
江風正暖鱗魚上
最好移船就網烹

題簡禪師詩集

師諱睿畧茂苑人
洪武間曾主天甯

講席有爪髮塔在讓圃
鴨脚樹下其銘則姚榮公筆
也今歲從叢書樓鈔得師所著松月軒集因題其後

張四科

雙林禮塔十經春
今見清詩一卷新
日暮碧雲吟未合

舊時松月屬閑人

偶向花宮乞一隅遺銘手埽出荒蕪
衍師地下猶相愧
叅得南宗了義無

邗溝廟

王藻

簫鼓叢祠映碧杉君王精爽托巫咸
曾勞越客張絲網
却誤隋王學錦帆此地蘋花馨里社
故宮梧葉冷靈巖
長溝一道通淮甸雄畧當年想不凡

阿師橋

馬曰璐

虹梁二十四一一難具求惟有阿師名
事以盧李畱二
生去已邈仙跡空悠悠北亭待飲處
彷彿聞篴篴不見

朱字書汨汨春波流荒蒲帶遠樹斷岸
縈遙舟我來一
憑訪滿日雲天愁導引本無術讀書窮
雕鏤草屨布衫
客還得相遇不徘徊頽陽下新蒲聲颼
颼朗吟謝朓句
驚起雙白鷗

晉樹軒

畢沅

高柯拔地起寂歷蔭僧寮疎簾掩清
簟鎮日有涼飈六
朝雲一片停來綠未消

灣頭

畢沅

松棚板屋兩三家瓦鈔甌爐各賣茶
愛殺鷄豚游息處
金銀開遍滿籬花

按明初戶部分司舊治灣頭正德間移鈔關

題瓊花觀圖

蔣士銓

庭內開花晴雪光井中製藥丹砂香神仙遊戚偶一露
井不可入花難長天仙地祇列郊祀富媼憑誰傳姓氏
蕃釐立觀閱千秋求福迎祥都已矣瓊花自是揚州葩
入杭入汴皆不花露盤移去絕沆瀣羯鼓擊破無萌芽
李花楊花開落頃換出冬青壽年永洛陽爭獻姚黃嬌
建州各進龍團餅阿麼羣芳列金屋不在區區一枝玉
蕪城本是帝王家稗史流傳非實錄紛紛烽火照南都
禁樹宮花幾次枯孤亭尙賸無雙處絕豔空圖第一枝

轆轤取汲春泉滿地底疑通九仙館試問丹房白鼠身
可有神鞭爲收管玉勾芳豕草不青玉勾洞天春已屢
道人夜打梅花磬驚起秋原萬點螢

題褒忠錄

趙翼

斗大孤城殺氣結死氣入鼓鼓皮裂守城力盡與城亡
頸血如湯熱浴鐵臨危殉節豈所難所難與賊共彈丸
先是寇氛猶可撲封疆失計在招安小臣主勦不主撫
總理令來誰敢阻可憐僻邑萬山中分據賊營十四五
大憲以縣爲鄰壑醜徒視城非外府臥榻旁偏睡有人
窮山坐乃衛以虎此時勢已養癰成制客兵須仗主兵

間道乞師百不應獨教一木力支傾一朝賊魁鄰縣起
此地羣兇盡盡殺殘黎數百急登陣分塚當衝半餒鬼
朔風一刮立不牢城頭亂落如飄藥盲士并無妾可烹
簽兵已歎民皆死雉樓月黑燈無光綠梯萬蟻上女牆
殺賊不盡被賊殺奮頭甘試歐刀鏗嗚呼臣死國子死
父僕死主一門忠烈入汗青碧血斑斑照千古傳芭兮
伐鼓夜夜英靈嘯風雨

惠照寺或言古木蘭院也見禹卿於此寫維摩詰經

姚鼎

落盡淮南萬樹紅晝陰僧院烏玲瓏檐含梅子黃時雨

戶進新篁綠處風出世了無香海界置身休在碧紗籠
鍾堂一飯成遺迹回首天花丈室空

查篆仙

清

於揚州訪得其族二瞻墓荒翳幾盡爲修整

種樹立碑旋獲二瞻舊硯於僧舍自紀以詩屬繼作

二首

姚鼎

一團紫壁墮僧扉無復蛟龍引墨飛百歲百虹重吐氣
更從濡染寫珠璣

形骸石硯孰爲親一臥荒郊一凡茵梅壑有靈應附此

諸孫門內接詩人

二瞻號梅壑老人

同人鐵佛寺看梅醉中放歌

朱孝純

此地未必無名山金朱紺碧堆其間此地未必無名水
日夜笙歌逐羅綺何年有此鐵佛寺茫茫遠自五代季
墮碑遺址無復尋松柏參天走雲氣前臨黃土岡青山
相映蔽一色梅花爛漫開斷橋流水非塵世有如彼美
絕世立鉛華不使汚佳麗揚之人士愛者誰我與諸公
結幽契坐久時參鼻觀香忘相悠然識真意春酒難盡
還復斟夕陽已掛西山岑我思爲古佛不然化作梅花
林鐵爲骨兮水爲心蒲團坐我松之陰更買竹西十千
之美酒歷三萬劫長酣吟

寄揚州馬秋玉乞許氏說文諸書

周京

江左人爭說項斯知君標格住瑤池神仙有字難容飽
願乞餘光及杖藜

先生閱覽絕塵寰不數淮南大小山憐我讀書求識字
莫教鼓篋笑空還

戴又李借天甯僧園隙地構亭日辯儀爲賓客飲射之

所招集賦詩各成二首

鮑臯

謝公行處路依稀爲闢榛蕪廣四圍當日人來攜不借
於今客到引忘歸射場閑曠精廬改碁會風流晉代非
玉局瑠弧遠相並總憐初地未忘機

入林鼓點雨聲聽入林榜賓謙從容日未暝觀禮自應

從小戴辯儀聊用誌吾亭城頭初月弓弦曲海上仙山射的青擬解天張睡誕漫何如一發酒雙餅

梅花書院讌集卽席贈馬丈曰琯

王世球

高會名園樂事偕放晴天氣惠風諧林間新鳥聲聲靜

碧外天桃樹樹佳老輩經過開太室予師王先生罕皆先生星南後先故人分散隔長淮舊時同學者如蔣秀才主講席於此

故入分散隔長淮爽謝編修溶生王庶常

觴餘話舊情無限星影窺簾露濕階均皆在都張進士交官山左

曲江風雅得相於馬丈昆弟與兩浙厲孝廉鶚陳山人章抗太史世駿姚秀才世銓全太史

唱和新詩錦不如亭館玲瓏歌嘯足邱樊跌宕祖望締交最深

性情踈校讐多愧名山業時輯鹽志初成與費修大冒甚原陳授衣樓於湘舍弟濯

江刊校於此涉獵難窺金匱書一夕花前共清醉傾心頓慰

廿年餘

已巳冬季謝星坐宗澹園移潘雪帆及僧遠村墓前人

遺老孤墳漸欲迷移來還傍蜀岡西人間陵谷何時定

客路精魂到處棲凍雪尙應憐白骨春風還許聽黃鸝

松門新雨誰相伴並為山僧徙墓碑

遊甘泉山

李滋裕

廣陵西北部山橫壓地軸突兀名甘泉救旱回川瀆岡

巒二十八列峙如拱服上有七峯連蒼然勢盤鬱我昔

漫經過徒步苦炎燭今春風物佳芳甸思尋逐招要有

高會恰使前遊續平明走車騎亭午入山麓紆迴古寺
門疊磴先憇足消煩酌春泉齒頰餘芳馥拄杖繞松篁
仰視龍岡矗拔援陟危巔扶輿徧清淑烟嵐眾象深阡
陌入遙目循行得古塚蔓草流碑覆蒼蔚出甘霖能濟
窮檐哭何緣謝塵氛結廬此山曲

瓢畫卷

許天球

歲月悠悠只指彈振衣百尺倚闌干翠環傑閣千林迴
風壓層檐四月寒舍影分僧毫際築詩濤湧客卷中觀
卽今韻事追靈運兩到何妨罄夕歡

爲江鶴亭題重修鐵佛寺

沈大成

石橋松徑寺門開舊迹楊吳指劫灰一刹勝因今再復
三生結願此重來秋風木葉停征騎廣陵紅葉
此地爲最夜月梅
花弄酒杯寺外皆
梅花難得主人真好事分題角藝鎮徘徊

春秋佳日每同
余輩來遊賦詩


傍花村卽目

沈大成

杖藜城外去一徑入烟村碧樹平圍野黃花直到門亂
鴉歸屋背老牯繫籬根寂寞秋深意王蒙
小筆存

以上續志





古今圖書集成

卷之二

